

吳越所見書畫錄

吳越所見書畫錄卷三

平原陸時化景編

唐刁光梨花瀾瀾圖立軸

絹本高三尺二寸二分潤一尺四寸七分  
錄齊張氏之物

刁光

真賞

張溥之印

白岳山人

宋張樛寮古栢行冊

經本以立軸割裂為冊名即之字溫夫號樛寮歷  
陽人參知政事李伯子中進士舉歷司農寺丞授  
直秘閣以能書聞於天下金人尤寶其翰墨王弼  
州集謂喜作擘窠大字好書少陵古栢行詩不錄

第一幅高七寸四分  
潤一尺三寸五分

墨寶篆

明安國玩

桂坡安水品宮

道人

第二幅高九寸  
二今半潤三寸

古栢行

開國文成世家

明安國玩

大明陽山安國珍藏

第三幅高九寸三分字行二

半潤四寸六分雙駢字行二

第五幅高九寸四分字行二

潤四寸六分雙駢字行二

第七幅高九寸三分字行二

潤五寸六分雙駢字行二

第九幅高九寸三分字行二

潤五寸六分雙駢字行二

第十一幅高九寸三分字行二

潤四寸二分雙駢字行二

第四幅高九寸三分字行二

半潤四寸四分雙駢字行二

第六幅高九寸三分字行二

潤五寸四分雙駢字行二

第八幅高九寸二分字行二

半潤四寸四分雙駢字行二

第十幅高八寸七分字行二

潤四寸一分雙駢字行二

第十二幅高九寸二分字行二

潤四寸四分雙駢字行二

第二十三幅高九寸二分  
右庚辰歲 大宗伯

第二十四幅高九寸二分  
書老杜詩 大冢宰

明安 桂坡安 郭衢腦 天放 李氏  
國玩 國監賞 賞鑒 居士 珍賞

潤一尺四寸八分

樗寮翁即之書法高古名重四夷上禁止之雖千金欲  
求一字不易得也觀此帖沉着痛快如硬弩踏箭勁鐵  
屈銀超越古今不可悉得而形容者誠謂希世之寶子  
孫當永珍襲而傳之於無窮也即至正二十四年清和  
夏月望日南陽宋廣昌裔書於水晶宮之碧雲深處

宋昌 明安 桂坡安  
裔氏 國玩 國鑒賞

宋李伯時白描九歌圖吳彥暉篆書九歌卷

本身宋紙高八寸七分長一丈四尺五寸圖缺國  
殤禮魂起首有屈子像有序俱篆書款亦篆書跋  
亦宋紙高同畫長二尺二寸五分隔水綾有朱文  
烟客鑑定方印

魏國世  
戚家藏

叢史總源  
有孚氏

秘奇閣  
圖書

三印在前

伯時

魏國世  
戚家藏

二印在後

延祐旗蒙單閼月既生魄延陵吳炳書

考暉

食斯飲斯興斯寐斯行斯坐斯憂斯樂斯獨言獨歌恒

於斯 宋權藏識

宋權  
私印

李龍眠白描人物推為畫家上乘此今古定評也余每

覽一真蹟如獲鴻寶賞心久之寢食兩忘不減宋君痴

癖近代摹倣多人間有得其風味者竟稱能品展玩斯  
卷秀潤清曠之態兼以吳彥暉鍾鼎篆書九歌非宋人  
筆墨焉能精妙若是為可珍也庚午秋月江上逸光跋

宣在

辛

重

光

王時

敏印

烟客

鑑定

宋米襄陽論書帖冊

紙本每幅高七寸四分零闊四寸三分零見之秋  
帆畢大中丞處計十二頁

本朝太宗挺生五代人物已盡之間天縱好古之性真  
造八法草入三昧行書無對飛白入神一時公卿以上  
之所好遂悉學鍾王至李宗諤主文既久士子始皆學  
其書肥褊樸拙是時名謄錄以投其好用取科第自此

惟趨時貴書矣宋宣獻公綬作叅政傾朝學之號曰朝  
體韓忠獻公琦好顏書士俗皆學顏書及蔡襄貴士庶  
又皆學之王文公安石作相士俗亦皆學其體自此古  
法不講能隸書者武勝留浚劉瑗能草書者承議郎滕  
中孚趙仲忽能行書者宣德郎趙慎思能篆書者宣德  
郎趙霆以上是學古人書者餘未見也襄陽米黻述

楚國  
米芾

永

松雪齋  
圖書印

危

乾

翰林太史  
備撰印

宣文閣鑒定  
書畫博士印

劉印  
定之

宋黃文節公梵志詩卷

古色青花欄宋藏經箋銷夏錄載高七寸八分今  
高七寸六分銷夏錄載長一丈二尺五寸今長一

丈二尺一寸七分俗手裝池一次則截短一次計  
七接跨縫有忠徹方印又完璧世寶嘗齋墨寶四  
朱文長印皆宋元間鈐記行書連款共七十行董  
跋小楷四行在本身箋上宣侍御跋銷夏錄載其  
語而未詳尺寸今量高同長一尺七十五分此經  
上今并有梁棠邨續題以後尚有宣德經文許畫  
處江邨楷書宋黃文節公真蹟值一百二十兩蓋  
朱文高士奇圖書記今宋中丞家得此倍而餘矣  
不全印邊 朗潤堂 印 文華殿直 袁氏珍玩  
講學士 子孫寶之 魯直

兀然無事無改換無事何須論一段直心無散亂他事  
不須斷過去已過去未來何用算兀然無一事何曾有  
人喚向外覓工夫總是癡頑漢糧不畜一粒逢飯便知  
呌世間多事人相趁渾不及我不樂生天亦不愛福田  
飢來一鉢飯困來展脚眠愚人以為笑智者謂之然非



愚亦非智不是玄中玄要去如是去要住如是住身披  
一破衲脚著娘生袴多言復多語由來反相誤若欲度  
衆生無過且自度莫漫求真佛真佛不可見妙性及靈  
臺何曾受薰鍊心是無事心面是娘生面劫石可動搖  
箇中無改變無事何須讀文字削除人我本冥合箇中  
意種種勞筋骨不如林下睡兀兀舉頭見日出乞飯從  
頭掙將功用功展轉冥濛取即不得不取自通吾有一  
言絕慮忘緣巧說不得只用心傳更有一語無過直與  
細極毫末大無方所本自圓成不勞機杼世事悠悠不  
如山丘青松蔽日碧澗常秋山雲當幕夜月為鈎卧藤

蘿下塊石枕頭不朝天子豈羨王侯先死無慮更復何

憂水月無形我常只寧萬法皆爾本自無生兀然無事

坐春來草自青 元符三年七月涪翁自戎州泝流上

青衣廿四日宿廖致平牛口莊養心置酒弄芳閣荷衣

未盡蓮實可登投壺奕棋燒燭夜歸 黃氏臣然希

黃文節公書世多摹本又多贗本生平所見以此卷為

灼然無疑梵志詩較寒山更自奇崛書亦近之董其昌

觀曰題 太史 董 徐印 子孫 雲間

商 為子 帝 高岱 費宗裕寶籍書 福唐陳

間 孫寶 私印 房家藏圖書印 容公儲

汪宣氏 宣印 直指繡衣 曠 豐氏 括陽郡

岳書印 重光 御史章 菴 存叔 岳書印

江都希

潤州宣重  
秘藏之  
光鑒定印

本身上高江都孫希之是  
歸希之縫中亦有此印

景泰丙申之秋按行南康遊廬山開先寺見涪翁所書七  
佛偈於石壁苔蘚剝蝕不可讀因令工人洗滌并構亭  
其上名曰護偈亭榻得數本而歸字形如掌大又藏寫  
蓮經楷法首尾如一曾鉤勒普門品一卷行廿又收有  
富陽劉生讀書綠陰藏錄諸帖多行押書此卷頗長所  
錄迺古德語知先生之精於禪悅發為筆墨如散僧入  
聖無裘馬輕肥氣味視海岳眉山別立風格而其運筆  
圓勁蒼老結體緊密縱橫處從顏柳諸公上接羲獻故  
知四家雖殊勢其得法於晉唐衣鉢無異也蘇米二公

手蹟海內爭購至今傳流卷冊尚多唯蔡忠惠絕少世亦不知求覓而先生贗本遍天下如董宗伯所云生平罕見真鼎信然也此卷得於吳門歸叟不惜傾囊易之亦以書家云法眼在此數公有志臨池安可不奉為師承耶永寶藏之無斁時庚申孟冬識於席丘之鶴澗江

上外史宣重光

弢盾

宣印 重光

晚歸 奉真

宣在 辛氏

高士奇 畫書記

山谷書佳者余嘗見數卷茲又從儼齋司農得觀此卷老氣橫九州真可珤也儼齋近又獲諸上座書與此殆稱雙璧神物之合如延津龍劍快何如之河北梁清標

梁印 清標

蕉林 鑒定

曠 蒼

宋范仲立焦墨山水立軸

經本高二尺二寸二分潤一尺一寸五分層嶂喬林微露古剎滿經畫實而仍鬆靈惜山頂破損二處小楷款在右下角已為庸工截去其半見之金氏之澹寧居 范中正字仲立人以大度而呼寬

范中正 中

元錢舜舉錦阜圖卷

宋經高七寸二分長三尺零五分所圖即俗云灰堆素積敗殘蝦蟹雞毛等物羣蟻爭啣入穴

世間棄物余所不棄筆之於圖消引日月因思明物理者無如老莊其間榮悴皆本於初榮則悴悴則榮榮悴互為其根生生不窮達老莊之言者無名公公既知言

余復何言吳興錢選舜舉錢氏舉

舜舉印章

錢選之印

朔客板某氏携吳興錢選畫來謂曰此俗所謂錦灰堆者是也披其卷如螯鈴蝦尾雞翎蚌殼箏籜蓮房各極像物之妙至數百十蚰螬扛扶兩槌末以歸大槐之穴此一夢境亦可為花房公子三軀之警書以歸其卷老鐵在玉山高處書

廉夫

鐵笛道人

此跋另二宋紙高七寸二分長一尺一寸

吳興錢舜舉業精於花果草虫其筆意追迹前輩寓興戲作殘卉敗葉斷枝折穗棄殼墮翎蚌螺螻蟻諸物之形逼其真可謂妙得染色之法矣吾鄉老鐵兄既題伯賢陳君浼僕跋之以紀一時之玩也大瀛魚者雁門文

質書

學古

丹丘生

此跋另二宋紙高同長七寸九分

元張貞期白描九歌圖褚士文隸書九歌卷

經本完好高七寸七分零長一丈二尺四寸六分  
尚有餘素大宗伯沈歸愚物前有歸愚題簽元褚  
真字士文錢塘人篆隸學吳睿名蹟錄云崑山州  
重修學宮碑至正廿年楊維禎撰撰將仕郎杭州路  
海寧州判官褚真書并篆額張渥字叔厚號貞期  
生玉山草堂雅集稱其用李龍眠法作白描前無  
古人貝清江集稱其博學多藝尤工人物九歌不  
錄士文每書一段多有圖記款在禮魂後

右離騷九歌圖宋龍眠居士李公本淮南張渥叔厚所  
畫妙絕當世 家藏請予書其辭因識於左云云

正廿一年辛丑三月旦河南褚真記

褚士文 仕學  
真父印 齋

玉父 餘素縫印

河 褚士 文 支 松雲 褚真 樗散 印在東  
南 文 巢 印 生 皇太一

褚子姓

士文

褚與私印

印在雲中君

褚士文

士文父印

印在湘君及

學古文藝

褚與印

褚士文

印在大司命

褚與

士文父印

褚與私印

印在少司命及東君

滄浪釣者

褚士文

褚與私印

士文印章

印在河伯及山鬼

士文父印

唐之子孫

印在國殤

元龔翠巖洪厓先生出遊圖卷

本身紙本高九寸六分長六尺一寸六分今一接縫  
間有季青真賞吳尚忠印篆款在起首墨印圖記  
後諱書一詩隔水綾外小楷洪厓傳一方高六寸  
二分長七寸五分零又跋一紙高與面同長三尺  
八寸二分楊潛之劉璣程春三人跋後又謝淞洲  
題另紙尺寸不計



洪崖先生出經筵 欠德乞底得戲告季以十元

三

淮陰 龔開

學古 文藝

汪氏柯 庭秘玩

汪季青審 定墨寶

私印

洪荒上古洪崖仙見自堯時丙子年隋唐二代復相見  
往往始有名蹟傳僮木長松荷大瓢酒溜巨杓俱齊懸  
栗也負鐺在其背束書如意安左肩耀熒橘髯持大扇  
有若蘧蔭駕闕船就中飀者雪精驢葛兒前牽茁後鞭  
豈知自有千里足舉動能越驂騑先生傲睨居其前  
神遊八極何超然金丹未須九轉力渾涵一炁存先天  
草帶橫腰鞢短鞦紅蕉襴衫顏色鮮長筇九節如瘦龍  
慣隨先生入市廛春風又過洛陽園豈徒桃李生春妍

固知仙翁喜遊戲汗墨從來偏有緣淮陰龍興開學古堂

畫併作詩系其後

柯庭家古香

汪印履研

季青鑒定真蹟

張氲晉陽人道號洪涯子身長七尺五寸眉目疎秀語

聲若鐘攻琴書又善長嘯隱姑射山聖歷中武后召之

不至嘗醉卧洞口酒欲醒髣髴見神人長丈餘形甚偉

衣冠肅然指之曰子何不學大隱問曰何為大隱神曰

九衢三市稠人喻爾諠譁於前復問曰何為小隱獨卧

林泉曠然自適昔夷齊居首陽是曰小隱耽伏混世俗

是曰大隱先生稽首從命而神人忽隱已而詣洛陽給

事李嶠家凡十二年詞人逸客爭相求見開元中明皇

漢名辭不獲見於湛露殿上問曰先生善長嘯如何得  
聞於是應聲而發則幽韻蕭蕭清人心耳上曰朕何如  
堯帝先生何似許由曰陛下道超堯帝臣則德謝許由  
昔堯名許由而不至今陛下名臣而臣來上嘉之拜先  
生太常卿累遷至司徒皆不受乃曰陛下何惜一山水不  
令臣追迹巢由臣聞孝子之門出忠臣臣父母在而身  
未為孝子豈堪為陛下之臣耶因涕泣上為之動容既  
還山遂絕粒服氣而好畜古物時天下名賢往往有所  
贈關國公李太一遺書曰僕聞先生有好古之癖欽仰  
之久近有張生者晉司空九世孫也不遠千里以孔子

木履一枚見遺云傳寶已二百年觀其先聖所踐之物  
非敢匿之是用持獻太子洗馬田遊巖贈尹龜王戎如  
意杖侍御史郭翰贈王烈石髓孔子二儀履楊炯贈孔  
子石硯楊雄鐵硯僧惟恭贈筇竹杖楊齊哲贈嵇康鍛  
鏈陳平稱僧元序贈謝靈運鬚數莖僧智遠贈蔡邕焦  
尾琴葛洪刮藥篋僧脩然贈迦柔頭陀鉢秦休莊贈河  
上公注五千言草本劉守章贈四皓鹿角枕司馬子微  
贈淮南王藥臼杵周子恭贈古希王圖一琴鄴度使張  
守珪贈海蝦蟇牙長二尺八寸魏肅贈陶潛鳴琴芙蓉  
冠劉長新贈王喬笙而後河東巡撫使李嗣真與晉牧

郭正一往姑射尋之數日方遇於松下戴角巾披鹿裘而卧乃曰朝客何用逼野人乎二人歎曰真高士巢由之徒嘗注老子周易三禮穀梁又著高士傳十卷神仙記二十卷河東記三十卷大周昌言十卷皆未行世乘一白驢蹄曰雪雪侍者五人曰咄木藤葛橘常所服用者襪縑巾六角扇木乘雲笠方木鐙三元書葛木如意咄魏惠壺不住杓年九十三隱姑射山不復出

汪氏柯庭秘玩

吾聞洪崖仙蚤得煉藥訣神遊周八極焉用施雪雪炆持扇六角手執杖九節竭來誼洛陽卿相爭趨謁承詔入金門長嘯殿柱裂剛辭軒冕榮終學巢由潔歸隱姑

射山崆峒可同列漢武樹金莖承露餐玉屑一朝莖茂  
陵千古照寒月 臺江楊潛之

柯庭家  
傳神品

展研  
堂

予性癖好畫少年習舉子業暇則閱續宋宣和畫譜內  
有淮陰龔開者善丹青人物以著名每求其畫弗獲為  
歎歲永樂甲申登狀元曾榮榜進士後官之晉之齊之  
閩愧無聞見之博或於畫肆中始見龔貌寫洪崖仙出  
遊儀像奏精神體態殊絕心甚愛慕增俸金以贖之珍  
藏書篋笥中備清玩且有年今幸歸老林泉號歸來子  
重慙於寶翰堂西歸帆樓之寓思亭以表予生平好愛  
之篤時年七十有三矣正統青龍在己春孟姑孰虛菴

所見書畫

懷烟閣

劉璚伯玉謹識

古香樓

汪季青珍藏  
書畫之印

赭服堂堂七尺軀  
扇持六角從侏儒  
神遊蚤得金丹術  
宦達爭傳寶笈書  
擊破塵寰葛如意  
包涵元氣酒葫蘆  
欲從姑射尋仙蹟  
為借先生雪色驢  
晉安程春

拙軒

程春

疏通知遠

甲申進士

承齋所藏

履硯齋圖書印

桃花潭

此宋遺民龔聖子先生作雪川錢舜舉氏嘗做為之筆  
力不逮遠矣先生貧無几榻常就其子背伸紙作畫尤  
好畫馬作詩題瘦馬圖云一從雲霧降天闕空進先朝  
十二閑今日有誰憐駿骨夕陽沙岸影如山一時皆傳  
誦之余嘗客先生故里求其遺跡不可得見因刊其所

輯陸君實輓詩貽好事今見 念翼出示此卷乃先生  
真蹟喜可知也先生畫人或罕知鑒賞而 念翼寔具  
眼者當信余言不妄矣遂題其後而歸之內寅八月淞  
洲書

淞洲  
之印

聖子身長八尺廣額美髯守貧讀書詩有盛唐之風文  
則能成一家餘技作畫藉以衣食人但知畫人物俱師  
曹霸不知兼能山水花卉嘗作雲山稿五冊傳於家乃  
平生所臨畫稿亦奇品也聖子屢見之載籍王元翰稗  
史彙編中已可得其梗槩是卷用筆設色之法全宗唐  
人無一筆是宋難與局外人道也陸時化

所見書畫

卷三 十二

懷烟閣



元柯丹丘倒挂墨竹立軸

絹本高三尺零三分潤一尺三寸五分貌竹初長葉大而肥勢不可遏

熙寧己酉冬至日巴郡文同與可至正癸未端陽節

丹丘柯九思臨 錫訓 柯氏敬仲 緼真坐

棠邨 審定 林蕉 可竹家藏珍玩子孫寶之

元趙仲穆挾彈聽鸛圖立軸

絹本設色高三尺零八分潤一尺六寸九分枯木一株夾葉樹一株一人巨髯勒馬持弓挾彈側耳而聽飛鳴黃鸝一童負書畫卷拱立於旁下惟一坡上則遠山似為人對寫小影

仲穆 魏國

元黃子久深山曲陽卷

紙本淡色高七寸五分零長五尺五寸一分龔子  
放跋高同長一尺三寸五分今王百穀跋高同長一  
尺三寸一分俱紅本身紙對接縫有朱文登字小  
印筆甚細

深山曲隲 壬寅仲春過玉山草堂淹留旬日而成公

望

子

公望

君實

半塘  
世宗

右黃子久所畫深山曲隲卷水邨山郭人家竹木林壑  
縈紆宛若山陰然觀之便有移家之想似此世未必無  
豈在華楮間所謂勾迹召娛人之目耶嘗讀柳子厚先  
生愚溪之文可見也文與畫無二致得此卷者毋直以  
畫視之泰定二年九月六日龔璘子敬甫書

龔氏  
子敬

余昔在京師朱太傅曾見一卷與此甚相類屈指於今

已四十餘年恍若隔世不知緣何流轉江南信乎神物  
非匏瓜也老友張君攜至僕不惜重賄之時一展閱可  
作堂前燕耳太原王穉登漫識

王氏  
百谷

王印  
穉登

元末趙撫謙篆書戒銘卷

紙本高六寸七分長一丈零七寸兩棲有歸山一  
鵠白雲縫印庸菴唐志淳汪性三人之跋在本身  
孫履初另紙篆文有不能釋者對摹之撫謙載  
佩文齋書譜四十卷

攷古  
吳

堃  
靜觀皆自得  
佳興與人同

墨牕

武王戒言 武王踐阼三日召師尚父而問焉曰黃帝  
顓帝之道可得而見與師尚父曰在丹書曰敬勝怠者  
吉怠勝敬者滅義勝欲者從欲勝義者凶凡事不强則

枉弗敬則不正枉者滅廢敬者萬世王聞書之言惕若  
恐懼而為戒書於席四端為銘焉銘曰 安樂必敬無  
行可悔一反一側亦不可不志殷監不遠視爾所伐  
几銘曰皇皇惟敬口生敬口生垢口戕口 鑑銘曰鑑  
爾前慮爾後 盥銘曰與其溺於人也寧溺於淵溺於  
淵猶可游也溺於人不可拯也 楹銘曰毋曰胡殘其  
禍將然毋曰胡害其禍將大毋曰何傷其禍將長 杖  
銘曰於乎危亡於忿忮於乎失道於嗜慾於乎相忌於  
富貴 帶銘曰火滅備容慎戒必恭恭則壽 屨銘曰  
慎之勞勞則富 觴豆銘曰食自杖食自杖戒之驕

則逸 戶銘曰夫名難得而易失無勤弗志而曰我知之乎無勤弗及而曰我杖之乎援阻以泥之若風將至先搖搖雖有聖人不能為謀 牖銘曰隨天之時以地之財敬祀皇天敬以先時 劍銘曰帶之以為服動必行德行德則興倍德則崩 弓銘曰屈申之義發之行之無忘自過 矛銘曰造矛造矛少閒弗忍終身之羞余一人所聞以戒萬世子孫

右十四篇見大戴禮

衣銘曰桑蠶苦女工難得新捐故後必寒 鏡銘曰以鏡自照見形容以人自照見吉凶 觴銘曰樂極則

悲沉湎致非社稷為危

右三篇見後漢朱穆傳注引太公陰謀

几之銘曰安無忘危存無忘亡執惟二者必後無凶

杖銘曰輔人無苟扶人無咎

右二篇見崔駰傳注引太公金匱

筆銘曰毫毛茂茂陷水可脫陷文不活 華銘曰馬不

可極民不可劇馬極則躓民劇則敗

右二篇見太平御覽引太公陰謀

冠銘曰寵以著首將身不正遺為德咎 履銘曰行必

慮正無懷微幸 劍銘曰常以服辟而行道德行則福

廢則覆 車銘曰自致者急載人者緩取欲無度自致而反 鏡銘曰以鏡自照則知吉凶 門銘曰敬遇賓客貴賤無二 戶銘曰出畏之入懼之 牖銘曰闢望審且念所得可思所忘 關銘曰昏謹守深察譎硯銘曰石墨相著而黑邪心讒言無得汚白 鍾銘曰忍之須臾乃全汝軀 刀銘曰刀利皚皚毋為汝開 井銘曰原泉滑滑連旱則絕取事有常賦歛有節 右十三篇見太平御覽引太公金匱

貧樂錄

吳

軫

靜觀皆自得  
佳興與人同

致古  
正今

著名有攸為罔稽乎得失有攸行罔覺乎凶吉維爾德

之至神維爾道之至一凡民有疑維爾質 著格名德

惟一動則吉行靡中動乃凶神之聽之伊泰筮之庸用作

貞鼎名馨爾德容以闢蕝斯草 筆架名山爾立匪炭

炭通余習 書鐙名昏明之異爾用尔弃永昭爾之德

余夜无寐 室名止其心見其背畏无聞慎无視允宅

茲哲可企 書厨名大哉聖謨於爾儲奠之由之匪也

圖 小書院名竊而深藏乃密廓有容隨所出 回名

抒厥裏善則紀秉有恒敬：此 榻名安毋忘危樂毋

忘悲毋曰無知天監於茲毋自欺 枕名齊爾宿慎尔

獨毋安爾寢縱爾欲 余名錦爛如災厥軀緇疏温安



以存 鼎名簞食豆羹莫之與爭羞珍食玉其或顛覆  
水注名戒爾盈之易頃守爾中中有容 度名爾之  
則符心德長短不齊維所適 囊名毋苟入毋苟出於  
女口時无失 扇名待時而動隨時而靜動靜維其時  
孰執其柄 錐名利若鈍割而異惟所施曷有困 名  
刺麓名上无諂下无瀆脊所與乃无辱 琴名諧爾鳴  
宣乃情永協韶之成母為鄭之聲 硯匣名温而潤惟  
尔德之蘊端而方惟尔德之藏虛而質是以容斯實  
墨名黑所施白亦緇欲有所染其慎之 圖書名矩而  
敦質而文紀厥善余所遵 界方名方而式廉而直履

矩循常契余德 書彰名藏厥機勿妄開彼其不齊爾  
乃裁 筆式名不偏倚惟爾德之宜正直如矢隨所之  
權名仰彼則重俯此則輕俯仰咸非常惟執厥中乃  
爾程 量名或歆或盈罔攸式培多益寡尔作極 筭  
名安爾裘蓄尔質的然於外寧藏於密 簡版名坦而  
夷无歆无危習於茲敬而勿馳 朱合名疑所決用尔  
沫永丹歆心毋為紫奪 櫛名晨而興謹斯櫛毋以養  
望為爾佚墨池名勿為所染而自縊日新又新當自治  
點子名毋苟汚難復去惟精惟一庶永為度 畫以  
名匪欲其華匪逞其奢欲觀古像施厥家 牙羸名彼

有所染用爾草彼而不瑩用爾澤草如澤如尔之德

厭石名夫惟靜動因不正夫惟重无怠无縱靜兮重兮

敬德日躋 書籤名縣爾形著厥名永綱紀吾聖經

人各執斯人毋忘秉耒饘饗於是以致余餽 體名操

斯柄亂斯正 巾名累寸成尺如彼積德 佩名觀爾

和豫範吾規矩趨行揖揚於是度 屏風名山彫爾形

惟亂風是屏毋蔽厥明 壺矢名視彼壺庶乎屢空視

茲矢庶乎直躬心易體正遐不中 觶名大剗則缺大

銳則折和剗銳以解余結 牙刷名齒易雪心難絜痛

刮礪厲工毋歇 印範名折旋中矩範彼得所 印蓐

名柔而平方而正是籍是凭以彰吾名 燭繁名早不  
形燭聖經學欲緝熙遵尔高明 牛尾拂名去茲塵如  
垢去身如惡去心其日新 簾名母曰內可闕乎外毋  
曰外不見乎內緊內外無二惟明德之大 蓋名用則  
張舍則藏用張舍藏諒彼陰陽 書  
蓋嘗稽古聖賢未嘗不兢兢業業以致戒也是以黃帝  
有巾凡之法孔甲造盤盂之戒禹勒筭簋湯銘盥盤逮  
乎周之武王既踐阼猶咨尚父而為戒書至於席几杖  
器無不有銘惜其散在諸書不能彙而為一迺竊摭而  
集之得卅有四篇自席名至矛名十有四篇著在戴禮

自筆名至并十又五篇出於太平御覽衣鏡觴三名則  
得於後漢朱穆傳注又得几杖二名於崔駰傳注三復  
其旨若行洞庭之野而聞簫韶之音三日不食而得雋  
永之味因喟然而嘆曰於乎以往古之聖猶警戒若是  
之至若後世眇末小子敢不惕然以求諸心哉於是  
以古篆隨物而書之矣復書一道揭於壁又間又名夫  
所用器物之未有名者其篇如武王名篇之數而加其  
十有八焉非敢承諸作者庶幾常目在之以自儆云  
爾洪武戊午正月既望後學趙古則謹識

此款跋  
是隸書

西京  
文字

趙甲  
古則

橋  
謙

南度  
衣冠

觀撫謙近作乃平正與雅非向時所作者比文之有進  
如其為人詩謂溫溫恭人惟德之基孔子謂有德者必  
有言撫謙其有進於此歟老夫當愈刮目以待庸菴題  
武王丹書之銘肇見大戴禮而脩於太公陰謀金匱凡  
三十有四疑其皆出後世然君子愛禮存羊固不得而  
置之也吾友撫謙父以小篆書之并自著器物之未備  
者如其數而加十有八首真耆古博雅之士也乎哉前  
人謂習篆籀者戒書小詩哥曲撫謙得之矣觀者當齋  
莊以臨競惕以思自勵可也毋徒羨其字畫之妍文辭  
之奧而已歛衽敬服唐志淳題

君子之心恒存乎戒懼其所不睹不聞亦不敢少忽而況於應事接物間乎古之人盤盂有戒几杖有銘蓋日夕用自儆也余友趙君撫謙博學好古嘗集武王諸銘見於大戴禮後漢列傳注及太平御覽者凡卅有四篇編文書之又并著其自銘器物者五十有二共為一通置諸座右以自勉其存心固善矣然余願有進焉書曰知之非艱行之惟艱撫謙尚踐其言脩諸躬見諸行事毋徒為文物觀美而已汪性識 丹丘生

汪性

觀是卷撫謙用心可謂勤矣夫好古敏求聖學事也撫謙用心如此其亦希聖者與然知及之仁能守之斯可

以無愧矣。搗謙勉乎哉。慈溪孫履初敬跋。

太平山人

雪軒

元末趙懷歲山水立軸

水墨紙本高一尺四寸五分濶九寸二分見之金氏尊生齋

洪武九年冬莒城趙原

懷歲子

王氏敬跋

如山

停雲

文水道人

明文待詔蠅頭小楷落花詩冊

引首月白箋二幅每幅高六寸六分濶八寸九分。周公瑕書四大字落花詩二十幅每幅高四寸九分。濶二寸五分。畫鳥然九行內有六幅書題者多一行濶二分。零跋三幅高濶與詩同。鳥然而九行低一字。書文從簡跋二經高四寸四分濶二寸八分。零以上皆經本沈文徐三家詩已見本集刊本可不錄。然石田集標題僅云落花三十首不知屢和而屢答也。呂太常詩人并罕見故並錄之。

渠几怡情

江左

周氏公瑕

羣玉山樵

仁山鑒定



賦得落花詩十首

沈周啓南

富逞穠華滿樹春香飄落瓣樹還貧紅芳既蛇僂成道  
綠葉初陰子養仁偶補燕巢泥薦寵別脩蜂窠水資神  
年年為爾添惆悵獨是蛾眉未嫁人

飄飄蕩蕩復悠悠樹底追尋到檻頭趙武泥塗之辱雨

秦宮脂粉惜隨流癡情戀酒黏紅袖急急穿簾泊玉鈎

欲拾殘芳搗為藥傷春難療箇中愁

本集趙武泥塗知辱雨

是誰揉碎錦雲堆著地難扶氣力頽懊惱夜生聽雨枕  
浮沉朝入送春杯梢傍小剝鶯還掠風背差池鳩又催  
瞥眼興亡供一笑竟因何落竟何開

玉勒銀罌已倦遊東飛西落使人愁  
思攬春去先辭樹  
懶被風扶強上樓  
魚沫飲恩殘粉在  
蛛絲牽愛小紅留  
色香久在沉迷界  
懺悔誰能倩比丘

昨日絲華煥眼新  
今朝瞥眼又成塵  
深閨羊戶無來客  
湯藉周亭有醉人  
露涕烟漬傷故物  
蝸涎蟻迹弔殘春  
門牆蹊徑俱寥落  
丞相知時却不嗔

十二街頭散冶遊  
滿街紅紫亂春愁  
知時去去留難得  
悟色空空念罷休  
朝掃尚嫌奴作踐  
晚歸還有馬堪憂  
何人早起訓憐惜  
孤負新粧倩翠樓

夕陽無那小橋西  
春事闌珊意欲迷  
錦里門前溪好浣

黃陵廟裏鳥還啼  
林追螺甲教香史  
煎帶牛酥囑膳娛  
萬寶千鈿真可惜  
歸來直欲滿筐携

一園桃李只須臾  
白白朱朱徹樹無  
亭惟草玄加舊白  
窓嫌點易亂新朱  
無方漂泊關遊子  
如此衰殘類老夫  
來歲重開還自好  
小篇聊復記榮枯

芳菲死日是生時  
李妹姦娘盡欲兒  
人散酒闌春亦去  
紅銷綠長物無私  
青山可惜文章喪  
黃土何堪錦繡施  
空記少年簪舞屐  
飄零今日髮如絲

供送春愁上客眉  
亂紛紛地好多時  
擬招綠妾難成紫  
戲比紅兒殺要詩  
臨水東風掠短髻  
惹空晴日亂遊絲

還隨蛺蝶追尋去  
墻角公然隱半枝

本集擬招綵妾難成此

和荅石田先生落花十首

文璧徵明

撲面飛簾湯有情  
細香歌扇障盈盈  
紅吹乾雪風千點  
綵散朝雲雨滿城  
春水渡江桃葉暗  
茶烟圍榻髻絲輕  
從前不恨飄零事  
青子梢頭取次成

本集惟此首改一先韵以下皆同

零落佳人意暗傷  
為誰憔悴減容光  
將飛更舞迎風面  
已褪猶嬌細雨妝  
芳草一年空路陌  
綠陰明日自池塘  
名園酒散春何處  
惟有歸來屐齒香

蠶撩褪粉偶黏衣  
春減都消一片飛  
蒂撓園風無那弱  
影搖庭日已全稀  
樽前湯有盈盈淚  
陌上空歌緩緩歸

未便小齋渾寂寞綠陰幽草勝芳菲

悵人無柰曉風何逐水紛紛不戀柯春雨捲簾紅粉瘦  
夜涼踏影月明多章臺舊事愁邊路金縷新聲夢裏歌  
過眼莫言皆物幻別收功實在蠶窠

戰紅酣紫一春忙回首春歸屬渺茫竟為雨殘緣太冶  
未隨風盡有餘香美人睡起空攀樹蛺蝶飛來却過牆  
脈脈芳情天萬里夕陽應斷水邊腸

桃蹊李徑綠成叢春事飄零付落紅不恨佳人難再得  
綠知色相本來空舞筵意態飛燕禪榻情懷裊風  
蜨使蠶媒都懶惜一番無味夕陽中

開喜穠纖落更幽樹頭何用勝谿頭有時細數坐來久  
盡日貪看忘却愁惹草縈沙風冉冉傷春悵別水悠悠  
不堪舊病仍中酒踈雨濃烟鎖畫樓

風裊殘枝已不任那堪萬點更愁人清溪浣恨難成錦  
紅雨麝香併作塵明月黃昏何處怨游絲白日靜中春  
急須辦取東欄醉倒地猶堪藉綺茵

飛如有戀墮無聲曲砌斜臺看得盈細草栖霞朱點染  
晴絲撩片玉輕明江風飄泊明妃淚綠葉羞池杜牧情  
賴是主人能愛惜不曾緣客掃柴荆

情知芳事去還來眼底飄飄自可哀春漲平添棄脂水

曉寒思築避風臺  
露衣成陣看非雨  
點徑能勻襯有苔  
穠綠已無藏豔處  
笑他蜂蝶尚徘徊

同徵明和荅石田先生落花之什  
徐禎卿昌穀

不須惆悵綠枝稠  
畢竟綠華有斷頭  
夜雨一庭爭怨惜  
夕陽半樹少淹留  
佳人踏處弓鞋薄  
燕子啣來別院幽  
滿目春光今亦老  
可能更管鏡中愁

狼籍亭臺一夜風  
可憐芳樹色銷穠  
舞翻江浪春三級  
飛入宮牆恨萬重  
黃雀啄殘紅粉薄  
杜鵑驚怨綠陰濃  
不知開落渾常事  
錯使愁人減玉容

門掩殘紅樹  
盡稀客車休訪雨  
中泥蟲板故蓋將  
鬚護

鳥過空枝破血啼半月簾櫳風不定一川烟景日平西  
先生卧病渾難管收拾餘英醉裏題

歌酒闌干事已非玉人惆悵捲羅幃可堪荏苒爭先謝  
更不躊躇各自飛盡掃庭枝風歛怨偶黏屋網雨衝圍  
今朝蝶似長安客羞見殘春寂寞歸

黃四娘家跡已陳今朝豈有昨朝春不勞苦要人吹笛  
自覺愁多酒入脣粉蝶來尋無可柰紫騮嘶適亦何因  
芳魂定結僊姝在憑仗高樓語句新

不識春殘更出城故枝別去恹無情雨前尚或逢遊女  
街上而今絕賣聲一朵依稀疑碩果半江狼籍莖傾城



憑誰常駐東風面喚起黃荃為寫生

夜聽無聲曉已殘當時初賞種憂端舞輕飛燕身隨隕  
魂散嵬坡血未乾世事快情那可久天公薄相箇中看  
教人酩酊懷長吉樂府疑將此曲彈

倚杖風前莫嘆嗟為貪結子損容華隨烏去去於誰屋  
愧燕飛飛護舊家后土祠邊渾不見平章宅裡寂無譁  
向來遊賞先憑酒不道澆愁更用賒

紛紛舊徑復新蹊成陣飄紅只尺迷和露掬香猶撲鼻  
與酥煎喫免汙泥關情飛絮殷勤送愁殺黃鸝一箇啼  
絕似西施逢范蠡新恩不戀越來谿

村北邨南只樹林細推物理不微吟  
難於落木今前後總是流年送古今  
薜荔滿牆蒙點綴蜻蜓近水學浮沉  
隙駒夸父那追得始信春宵可換金

再答徵明昌穀見和落花之作

沈周

百五光陰瞬息中夜來無樹不驚風  
踏歌女子思楊白進酒才人賦雨紅  
金水送香波共渺玉階看影月俱空  
當時深院還重閉今出牆頭西復東

陣陣紛飛看不真霎時芳樹減精神  
黃金莫鑄長生蒂紅淚空啼短命春  
草上苟存留寓蹟陌頭終化冶遊塵  
大家准備明年酒慚媿重看是老人

擾擾紛紛：縱復橫那堪薄：更輕：沾泥寥老無狂相  
留物坡翁有適名送雨送春長壽寺飛來飛去洛陽城  
莫將風雨埋冤殺造化從來要忌盈

侶雨紛然落處晴飄紅泊紫莫聊生美人天遠無家別  
逐客春深畫疾行去是何因忙趁蜨問難為說假啼鶯  
悶思遣撥容酣枕短夢茫茫又不明

本集逐客春深畫疾行

春歸莫恠懶開門及至開門綠滿園漁楫再尋非舊路  
酒家難問是空邨悲歌夜帳虞兮淚醉舞烟江白也魂  
委地於今却惆悵早無人立怨風旛

芳華別我湯匆匆已信難留留亦空萬物死生寧離土

一場恩怨本同風  
株連曉樹成愁綠  
波及烟江有倖紅  
漠漠香魂無點斷  
數聲啼鳥夕陽中

本集全改

筇枝侵曉啄芳痕  
借爾階庭亦暫存  
路不分明愁喚夢  
酒無聊賴怕臨軒  
隨風肯去從新嫁  
棄樹難留絕故恩  
惆悵斷香餘粉在  
何人剪帛一招魂

賣叟籃空雨滿城  
麝芳戰勝寂無聲  
挽留不住春無力  
送去還來風有情  
莫論湯山便麓俗  
仍憐黠地亦輕盈  
亂紛紛處無馮據  
一局殘棋不算贏

本集改

十分顏色儘堪誇  
只奈風情不戀家  
慣把無常翫成敗  
別日容易惜繁華  
兩姬先殞傷吳隊  
千豔叢埋怨漢斜

消遣一枝閒拄杖小池新錦看跳蛙

香車寶馬火追陪紅白紛紛又一迴昨日不知今日異  
開時便有落時催只從箇裏觀生滅再轉年頭証去來  
老子與渠忘未得殘紅收入掌中杯

此首本集改

和荅石田先生落花十詩

呂憲秉之

醉拍金樽餞衆芳東風無力更斜曷  
魚跳浪驚多食山鳥收聲似暗傷  
皺却面皮同我老笑他行色為誰忙  
停鍼闕意閨中嬾獨負年華過一場

兒戲人間萬事同春來春去幾番風  
無端相對生愁處不若全飄向醉中  
多景忽驚隨土化餘姿鬢借與溪紅

浮雲富貴皆如此翟相門頭客子空

莫恠傷春意緒濃百年光景一番空梁王醉草今朝覆  
楚客離魂何處逢飛雪炙銷簾外日髣紅吹隊燭邊風  
侯家茵席千重軟憐取微姿廁幕中

飄蕩東西不自持多情牽惹有飛絲恩私漫憶曾交手  
精魄難拋未冷枝每戒兒童搗樹戲空煩道路隔牆窺  
經春為爾添惆悵開費清尊落費詩

微綠臨窗障讀書樹頭密葉結陰初湘江有客傷遲暮  
金谷無人惜未鋤何處光陰三月閨今朝消息幾今疎  
情知世事渾如此閒把蕭蕭短髮梳

流鶯飛燕兩爭忙  
齊送春歸出苑牆  
禁路晴車塵散綺  
小橋溪店水流香  
輕狂合着風情句  
悵快慚非鐵石腸  
整取明朝詩篋在  
晚陰涼閣賦池塘

穠華奄忽又飛塵  
門戶青苔白日貧  
煙柳前邨仍好景  
禪房曲徑有餘春  
筇邊拂袖聽啼鴉  
樹下離亭遠送人  
時節匆匆驚眼過  
豈能長得髩毛新

開時纔見菜花黃  
轉眼成陰又落花  
平地水粼添膩漲  
滿庭月色浸殘霞  
不憐玉質泥塗忍  
好厄紅顏造化差  
堪笑唐皇太癡絕  
却教御史管鉛華

雨打風吹兩折磨  
隔牆一樹也無多  
過時先泣東家女

感事真逢春夢婆山鳥山蜂渾懶却湖煙湖水欲如何  
陰陰柳岾移舟晚只有漁郎發棹歌

大觀除是達人知勢撓更張固自宜頓覺樹無驕侈相  
正如國有老成時來禽乞果先臨帖梅子酸牙已詠詩  
照料一枝筇竹杖芳尊不誤隔年期

三荅太常呂公見和落花之什

沈周

分香人散只空臺紅粉三千首不回惡刻信於今日盡  
癡心疑有別家開節推繁樹馬驚去工部移舟燕蹴來  
爛熳愁蹤何地着謝家惟有一庭苔

本集改

玉蕊霞苞六跗全一時分散覺淒然風前敗興休當立

所見書畫

卷三 二十六

懷烟閣



窓下闌愁且背眠放怨出宮誰戀主抱香投井死同緣  
無人相暖江南北吹滿西興舊渡船

馬追紅雨倦遊回春事闌珊意已灰生怕漸多頻掃地  
酷憐將盡數銜杯莽無留戀墻頭迥私有裴徊扇底來  
老去墨亭宜絕物白頭自笑此心孩

落柄開權既屬春少容遲緩亦誰嗔酷憎好事敗塗地  
苦被閒愁殫殺人細數只堪滋眼纈仰吹時欲隨頭巾  
不應捫蝨窮簷者薦坐公然有錦茵

打失郊原富與榮羣芳力莫與時爭將春托命春何在  
恃色傾城色早傾物不可長知墮弓勢因無賴到輕生

閒窓戲把丹青描寫人間懊惱情

此首本集全改

千林紅褪已如摯一片初飛漸漸添梨雪  
涇階人病酒絮風撩面妄窺簾併傷鳥起餘芳盡  
汎愛條爭晚浪恬可柰去年生滅相今年公案又重拈

本集改

昨日常聞呌子規又看青子綠陰時秋娘勸早今方信  
杜牧來尋已較遲脫當不歸魂冉冉濺枝空有淚垂垂  
淹留墻角嬌黃甚果珍芳菲罪阿誰

本集改

芳樹清尊興已闌拋惜深地又成團帶烟白扇  
櫺斜透夾雨簷溝尾半湯老衲目皮閒作觀小娃裙衩戲承歡  
無端打破繡華夢擁被傷春卧不安

本集帶烟窓角墨蹟因悞白

為爾徘徊何處邊赤闌干外碧檐前亂飛萬點紅無度  
閒過一鶯黃可憐觀裏又來劉禹錫江南重見李龜年  
送春把酒追無及留取銀燈補後緣

本集全改

盛時忽忽到衰時一一芳枝變醜枝感舊最聞前度客  
憶三休唱後庭詞春如不謝春無度天使長開天亦私  
莫怕留連三十咏老夫傷處少人知

本集改

弘治甲子之春石田先生賦落花之詩十篇首以示璧  
璧與友人徐昌穀南相與嘆豔屬而和之先生喜從而  
反和之是歲璧計隨南京謁太常卿嘉禾呂公相與嘆  
豔又屬而和之先生益喜又從而反和之自是和者日

盛其篇皆十摠其篇若干而先生之篇累三十而未已  
其始成於信宿及其再反而再和也皆不更宿而成成  
益易而語益工其為篇益富而不窮益奇竊思昔人曰  
是詩稱者二宋兄弟然皆一篇而止而妙麗膾炙亦僅  
僅數語耳若夫積詠而累十盈百實自先生始至妙  
麗奇偉多而不窮固亦未有如先生今日之盛者或謂  
古人於詩半聯數語足以傳世而先生為是不已煩乎  
豈尚不能忘情於勝人乎抑有所托而取以自況也是  
皆有心為之而先生不然興之所至觸物而成蓋莫知  
其所以始而亦莫得究其所以終其積累而成至於十

所見書畫

懷越膠

於百固非先生之初意也而傳不傳又何庸心哉惟其無所庸心是以不覺其言之出而工也而其傳也又奚厭其多耶至於區區陋劣之語既屬附麗其傳與否實視先生鐸固知非先生之儼然亦安得以陋劣自外也是歲十月之吉衡山文璧徵明甫記

停雪

不金

徵明

文璧印

吳印景旭

仁山  
鑒定

周公瑕先生為先公門下士好學書退筆成塚追踪古人先公晚歲燃燭作蠅頭字無虛夕大半遺之此冊神於遣筆真一波一趣轉折之妙頗稱匠心蓋先公楷法有二種朝紳簪笏莊肅整嚴金石書也衫屨蹢躅韵致

妍美遊戲書也若以一眼腔觀辯鹿失馬矣并首裴几

怡情知為公瑕物無疑公瑕以裴几名齋癸酉六月廿

日曾孫從簡百拜題從簡

吳印景旭

仁山鑒定

熹如

小楷自右軍父子以後其法不傳唐之顏柳歐褚宋之

蘇黃米蔡皆未當行也至趙松雪始得黃庭經樂毅論

曹娥碑東方朔像贊十三行諸帖之神髓繼之者則文

衡翁一人而已此所書落花詩真一字一珠為及門周

公瑕藏於裴几軒昔右軍詣門生家華公相半書一裴

几而去公瑕以此名齋不忌待詔門下也癸巳小春望

浚海岼閑民陸時化題於剪鑑亭

明文衡山小楷北山移文立軸

經本高一尺四寸闊七寸三分鳥絲二十行文不錄

昔人評稱圭此文造語騷麗下字新奇又謂其節奏紆餘虛字轉摺處特為奇妙余直取其命意高雅得隱居之道耳嘉靖丁未十月既望徵明書時年七十又八

朱熹

第一

子孫

鑑賞

希有

寶之

又文衡山小楷北山移文歸去來辭小冊

經本高四寸四分闊二寸八分每幅皆鳥絲七行歸去來辭四頁北山移文七頁文不錄北山移文跋語與主軸同主軸是十月既望此是七月既望下有連章徵明小印歸去來辭跋語書後

歐公云夏日作書可以消暑忌勞已亥秋暑肆毒無以

自逃晚窓弄筆聊復寫此徵明

徵明

又文衡山仿趙松雪水邨圖卷

紙本水墨高七寸五分長三尺八寸九分纖細秀勁出色之作本身小楷款十行僅如松子金氏物

居士貞以佳紙請余為橫幅小景適有人以趙魏公水邨圖相示秀潤可愛因用其筆意寫此連日賓客紛擾應酬之餘時作時輒更旬乃就老年遲頓聊用遣興耳若以為不工則非老人之所計也系之詩曰老人長日不能閑時寄幽情楮墨間豈是胸中有此壑聊從筆底見江山嘉靖癸卯九月既望徵明識時年七十有四

徵明

徵仲父印

衡山



萬曆嘉平月北上過周公瑕棐几齋觀此卷蓋衡山先生寂經意筆也寶之當重於連城哉嶺南黎民表書

文太史此卷蒼古清潤得文敏位置十之七得子久氣韻十之三平生用意筆也萬曆戊寅臘月與虞山孫七政華亭顧心忞新安畢竟可同觀於尊生齋中從此湖山秀色時皆發吾襟袖間矣黃姬水

志 淳

居士貞名節嘉靖辛丑從文休承學因得侍衡山先生研几先生愛其少慧且工於翰事每窺先生暇輒以書畫請先生報應之故士貞所得良富然其中之絕佳者惟此湖山新霽圖耳圖初成球偕陸五湖適造先生先

生出示沾沾自喜謂是紙可敵趙文敏球嘗見文敏水  
邨圖固精絕恐不逮此道勁也居浚歸杜氏今為宇臺  
周氏所得間以跋請留閱旬日恍然三十餘年事周世  
家宇臺博文好古是圖得而歸矣萬歷戊寅冬十二月  
六日周天球題

公瑕子

周公瑕印

跋經尺寸未度

又文衡山行書詩餘卷

經本高八寸九分長一丈零五寸三分烏絲九十  
六行虛四行王百穀跋經高同長八寸九分餘素不  
計衡翁勤書而年至九十故流傳甚多每於所見  
中擇尤精者記之長於詞而甫田集不載先生素  
行醇謹熾其香艷也故是卷尤重非此人不能見  
其清麗婉轉之語書法蒼秀高古非酬應者比

依依落日平西正池上晚涼初足看太湖石畔疎雨過

芭蕉簇簇院落深沉簾櫳靜悄畫欄環曲猛然間何處  
玉簫聲起滿地月明人獨風約輕紗透肉掩凝酥盈  
盈新浴一段風情滿身嬌怯恍然寒玉青團扇子欲舉  
還垂幾番虛撲夜闌獨咲還又淒涼自打滅銀屏燭

右調水龍吟 漠漠輕陰正梅子弄黃時節最惱是欲  
晴還雨乍寒又熱燕子梨花都過也小樓無那傷春別  
傍欄杆欲語更沉吟終難說一點點楊花雪一片片  
榆錢英漸日隱西垣晚涼清絕池面盈盈清淺水柳梢  
頭淡淡黃昏月是何人吟徹玉參差情淒切 右調滿  
江紅 近來無柰病淹愁十日廢梳頭避風簾幙何曾

捲悠然處古鼎香浮興至閉書槩几困來時覆茶甌  
新涼如洗簟紋沉六月類清秋手拋團扇拈書冊無情  
緒欲展還休則是詩成酒醒月明徐度南樓空庭人  
散語音稀獨坐漏遲遲風掠團扇無聊賴桐陰亂露下  
沾衣斗轉銀河東瀉月斜烏鵲南飛無端心事集雙  
眉睡思轉迷離牆西突兀高樓靜流螢度疑是星移何  
處一聲長笛等閑笑起相思右調風入松二闕庭  
下石榴花亂吐滿地綠陰停午午睡覺來時自語悠揚  
魂夢黯然情緒蝴蝶過牆去駸駸嬌眼開仍啼悄無  
人欲出還凝竚團扇不搖風自舉盈盈翠竹纖纖白苧

不受些兒暑 右調青玉案 雨過綠陰稠燕子飛來  
特地愁日晏重重簾幕閉悠悠殘夢關心嬾下樓 芳  
草弄春柔欲下晴絲不自由青粉墻西人獨自休休花  
自紛紛水自流 輕暖透春肌滿眼新嬌睡起遲燕子  
不來三月盡依依手撚殘花玉一枝 風裊髮雲垂無  
限閒愁隱翠眉好夢不成春自去只有青團扇子知  
右南鄉子二闕 天朗氣清惠風和暢勝遊何似山陰  
春光自來堪戀一刻千金蘭舟初泛畫橋春水一篙深  
煙霏處離、淺艸冉冉遙岑 且此傍花隨柳柳陰繁  
馬花外轉幽禽擾擾蜂黏柳絮蝶迷花心為問着朱走

馬何如我白髮山林新月上竹枝風動一派吳音 右  
調慶清朝 岸柳霏烟溪桃炫晝時光最喜春晴風暄  
日照况是近清明湯有清歌送酒酒醒處一笑詩成春  
爛煬啼鶯未歇語燕又相迎 向茶磨山前行春橋畔  
放杖徐行喜沙鷗見慣容與無驚不覺青山漸晚夕陽  
天遠白煙生非是我與山留戀山與我自多情 右調  
滿庭芳 酒醒夜堂涼雨過湘簾捲時見流螢度短牆  
乍近依然遠 欲睡更遲徊徙倚闌干徧不覺西樓缺  
月斜寂寞桐陰轉 右調卜算子

舊作書似

伯龍文學一嗟徵明

徵仲  
父印

文印  
徵明

衡山太史手書詞一卷音調清麗風韻俊逸正堪十八  
雙鬟執紅牙歌之可與曉風殘月齊響耳不謂此翁乃  
多嫵媚也若其書法道美故是當家又不煩游夏一辭  
矣太原王穉登題

王穉  
登印

王  
次公

又文衡山青玉案詞立軸

藏經經本高一尺六寸八分濶八寸八分其詞即  
前卷中庭下石榴花亂吐至不受此見暑不再錄

右調青玉案

徵明

傳雲 起首小長印

文印  
徵明

衡山

傳雲

結末圓  
印

又文衡翁江南春暖圖立軸

經本高三尺二寸四分濶八寸七分見金氏潛寧  
居

江南春暖樹交青  
樹抄芙蓉列畫屏  
有約相携過橋去

隔溪別有見山亭  
徵明

文印 衡

南廬賞鑑

又文衡山仿吳仲圭山水立軸

紙本水墨高三尺濶九寸  
款行書亦金氏物

青山懸突兀碧澗自峻峴  
高情吟不就  
攜杖聽泉聲

雁門文徵明仿梅道人筆

文印 徵明

衡山

又文衡山風入松詞立軸

雨雪金紙高一尺三寸九分  
濶七寸二分

春風晴日裊花枝  
何處滯幽期  
金房寶館香雲煖  
人如玉  
高髻蛾眉纖指競  
傳水枕清歌緩送瑶卮  
醉圍紅

所見書畫

卷三 三十六

懷烟閣



袖寫烏絲宮錦墨淋漓十年一覺揚州夢還費多少相思見說而今老矣風流不減當時寄南京徐子仁

調寄風入松微明

文印微明

傳雲

又文衡山三律詩立軸

絹本高二尺一寸七分零濶一尺零九分第一首煎茶贈履約第三首登香山戴甫田集六卷十卷

嫩湯自愛魚生眼碧葉還誇綠展旗穀雨江南佳節近  
惠山泉下小船歸山人紗帽籠頭處禪室風花遶鬢飛  
酒客未通塵夢醒坐看斜日照松扉南湖新綠漲平  
堤闌歷春雲雨過時花片浮紅搖暖影柳絲垂碧蘸晴  
漪泥融紫燕營巢急風動金鱗出穴遲春色不知付處

滿荻溪鷺句錦囊詩 指點風煙欲上迷却聞鐘梵得  
招提青松四面山藏屋峭壁千尋石作梯滿地落花啼  
鳥寂倚闌斜日小山低去來不用留題字多少蒼苔沒

舊題

徵明

文印  
徵明

玉蘭  
堂

又文衡山吳中諸名山詩卷

詩

集中有者  
註

紙本高七寸二分零長一丈六尺一寸三分鳥絲  
一百五十八行詩大半甫田集未載知遺珠甚多

席丘 入門連嶺陟峻嶒別逕穿雲次第登碧尾參差

蓮宇靜翠藤陰翳紫厓崩眼中歷歷悲陳迹方外悠悠

媿老僧十載同遊半零落常明惟有佛前燈 短簿祠

前樹爵蟠生公臺下石巉顏千年精氣池中劍一壑風

煙寺裏山井冽羽泉茶可試草荒支澗鶴空還不知清  
遠詩何處翠壁苔花細雨斑 天平山 雨過天平翠  
作堆淨無塵土有蒼苔雲根離立千峯瘦松籟萌騰萬  
壑哀鳥道逶迤懸木末龍門險絕自天開溪山無盡情  
無厭一歲看花一度來 南峰寺 支硎南下轉層岡  
曾是支公古道場故物只應餘水石後人猶與護松篁  
苔侵琬琰蒼龍暗花拂罽毼殿香未得逢僧留片偈  
一聲清楚隔雲長 上方 上方疎雨望中收曲砌斜  
臺爛熳遊落日平臨飛鳥上太湖遙帶碧天沅春來芳  
草埋吳榭煙際青山見越州正好淹留却歸去自緣高

處不禁愁 天池 天池日暖白煙生上已行遊春服

成試共水邊脩禊事忽聞花底語沝鶯空山靈迹千年

秘勝友良朋四美并一歲一迴遊不厭故園光景有誰

爭 靈巖山 叅差蓮宇逐飛埃斷礎荒基夕照開青

草欲埋山下路白頭曾及剗前來五湖對酒真如掌千

載鳴琴尚有臺喬木蔽空回首盡老僧猶自護松栽載

石湖 石湖烟水望中迷湖上花深鳥亂啼芳草自生

茶磨嶺書橋橫注越來溪涼風嫋嫋青蘋末往事悠悠

白日西依舊江波秋月隕傷心莫唱夜烏栖載夏日追

涼治平寺 竹根疎淨石苔斑鐘梵蕭然畫揜關坐愛

微涼生碧殿忽看飛雨失青山雲分暝色來天外風捲

湖聲落坐間最是晚晴堪眺詠夕陽橫抹蓼花灣載山

中六月可逃禪相與清齋佛坐前風細石壇松落子雨

深沙竇竹垂鞭別來光景渾依舊壁上題名不記年座

用不歸歸自好晚霞新月載溪船載寂寂雲堂車馬稀

陰陰灌木暑光微竹根雨過蛙爭吠松下日斜僧未歸

羞對青山談世事欲臨流水置柴扉紫薇勝槩吾能領

只恐時情與願違載支硎道中路轉支硎西復西碧

雲千磴石為梯羣峰繞出宮籬外絕壁回看崖薨低午

焙送香茶薜熟春風釀冷麥苗齊恠來應接都無暇入

眼風煙費品題

三月韶華過雨濃煖蒸花氣日溶溶

菜畦麥隴青黃接雲岫煙巒紫翠重一片垂楊春水渡  
兩崖啼鳥夕陽松晚風吹酒籃輿倦忽聽天平寺裏鐘  
渡太湖 島嶼縱橫一鏡中白銀盤浸紫芙蓉誰能  
胸貯三萬頃我欲身遊七十峰天濶雲濤翻日月春寒

澤國隱魚龍中流彷彿聞鷄犬何處堪追范蠡蹤消

夏灣 消夏灣前宿雨晴新波揺采日盈盈鏡中匹練

玻璃淨天際脩眉翠黛橫避暑誰能修往事買舟吾欲

老餘生汀洲日暮涼風起吹送漁歌四五聲 扁山橋

虎山橋下水交流正是橋南宿雨收光福烟開孤刹

迴洞庭波動兩峰浮已應浩蕩開胸臆誰識空濛是勝  
遊渺渺長風天萬里眼中殊覺欠扁舟 玄墓山 春  
風未負梅花約鄧尉山頭冒雨來不斷風烟隨鳥沒依  
然圖畫自天開氣蒸輕谷層層靄樹擁軒窗面、臺塵  
慮都消身欲舉更泛何處覓蓬萊 烟閣雲房紫翠間  
白頭重宿舊禪窓中坐見千林雨水上浮來百疊山  
勝縣何如前度好老人能得幾時閒賞心況有尊前客  
忍負春風寂寞還 孝常來吳老病不得與共登諸

山因錄舊作贈之歸途理詠亦庶幾一卧遊也 乙未六  
月晦日微明識 微明 悟言 玉磬  
室印 山房

又文衡山紀遊諸詩冊

經本十三幅每幅高七寸闊皆三寸七分詩有與前卷中同者註於題下不再錄

雨後登席山橋其詩即卷中席山橋下水交流一詩光福寺追次顧在

容韻 靈栖金瑣白雲中太息重來半劫空天外湖山

常暎帶春來花木自青紅煙霏樓閣朝騰蜃浪隱鐘魚

夜吼風欲翕輕清題秀句眼前誰是顧逋翁自註事見皇甫湜顧

况集 七寶泉 何處清冷結靜緣幽棲遙在太湖邊

掃苔坐話三生石破茗親嘗七寶泉翠竹傳聲雲裏泉

碧天流影玉涓涓高人去後誰真賞一漱寒流一慨然

天開圖畫閣其詩即卷中玄墓山春來未負梅花約一詩玄墓道中



輕陰駁日水含沙二月江南好物華早辦竹與衝細雨

不教山屐負梅花煙林滴翠千峰濕石磴穿雲一徑斜

風泊晚煙寒不散磬聲遙識梵王家宿碧照軒其詩

卷中玄墓山烟閣雲房紫翠間一詩嘉靖戊申十一月晦燈下書舊作

數首徵明玉蘭文印徵明

又文衡山畫文信公像沈石田題詠琴

紅本高九寸長一尺六寸八分淺設色石坡上喬木三株信國科頭緒衣坐於石上隔岸山麓奔泉

石田題詠紅高同長一文五尺五寸七分四總第一縫有朱文卧菴小印

徵仲衡山項衡以上三印在圖上

異代懷賢跡若新氣魂遊處有其神心肝照日身當國

生死從天事在人漢僊掌移金涕泣魯靈光在玉嶙峋  
中唐寂歷多松柏時鮮 飈動幘巾 先生辛苦指南  
詩刺水殘山空爾思萬古乾坤一人恨五年風雨小樓  
時孤忠耿耿寧無史大義堂堂合有祠柴市只今春日  
晚杜鵑啼斷血如絲 西湖北望眼空明禾黍東周漫  
有名帝在一舟天盛國數窮四廣海遷京不知蕩析亡  
如在自信忠貞死是生再讀伶仃洋裏語秋風激烈晚  
潮聲 行朝遷播始錢塘無地無時訖小康國事艱難  
盡吾分兵家勝負是其常一篇絕讚斯文在六闕悲歌  
舊恨長颯颯靈旗拂秋塵令人再咏北風涼 吳內翰

南夫寄謁文信公祠四詩依韻為荅錄寄理之俾知近

作弘治庚申正月十九日沈周識吳郡 南石 布衣之士

清白 傳家 雙月樓 休寧朱之赤 留耕 朱卧菴 靜處堂 珍藏圖書 堂印 必藏印 圖書印

又文衡山咏文信公事四詩卷

紐本高八寸三分零 長六尺八寸二分零 縫一跨縫有震 光白文小印

咏文信公事四首 地轉天旋事不同老臣臨市自從

容誓將西嶺填東海忍看南冠向北風千里勤王空赴

義百年養士獨收功人間亦有成仁樂未用區區悼此

公 槍猝勤王萬里身風塵顛倒作累臣三綱已去

笑何補一死臨期認自真直以安危繫天下未宜成敗

論斯人遺文尚可誅姦賊何但悲辛泣鬼神 頻年航海欲何為天厭中原遂不支滿地江湖無死所際天風浪有平時倉皇一念聊臣分寂寞中流賴史知回首又看強虜滅寒潮自繞大忠祠 千古英雄餘恨在怒濤擎浪日舂撞有天肯與元同戴無面能看宗再降烈士深悲甘蹈海中原未復竟如江君王莫罪風波惡應是憺人解覆邦 長洲文壁

文印  
徵明

嘉靖中七子橫起言詩常薄吳音綺靡目衡老作為吳飲今觀此四首忠憤伉壯沉痛軒翥千古惟杜陵老柏詩白摧朽骨龍虎死黑入太陰雷雨垂之句足以媲之

書出少時有河朔風氣亦規撫陸放翁為之總之與信  
國一段英靈相為陟降非尋常觚翰比也伯起得所寶  
矣天啓丁卯歲冬至崇禎龍飛已三舒英矣古秀李日

華敬題於飲墨齋

李印  
日華

君  
實

衡翁詩平素多清婉俊逸此四律獨定為非老杜莫能  
反覆尋味則如讀浣花集忘其為衡翁作矣衡翁書脫  
胎松雪此書特定為規撫放翁放翁遺墨罕見以一二  
家藏鈎帖對之則放翁躍然出矣非竹嬾巨眼誰能道  
破此卷竹嬾極嘆賞既為題識復著其說於六硯齋二  
筆一卷中衡翁書世傳最多能別真偽已異庸俗豈能

於一字一詩各盡其情致耶余終歲杜門日與古人相

對安得有如李太白者與之語乙未二月初七日雨旸

聽松山人陸時化

屠印 震光

文 升

屠子詞 翰記

昌

屠印 震光

又文衡山潭、虛閣圖立軸

經本水墨高三尺六寸濶七寸六分筆意蕭疎樹法宗仲圭

潭潭虛閣帶滄灣閣下溪聲閣外山六月城居塵滿腹

何時置我畫圖間

徵明

文印 徵明

仲堂 玉蘭

惟庚寅 吾以降

千峰挿霄漢一道挂飛泉幽坐惟真侶雲期思獨玄

涵峯子為

子齡學士題

涵峯

王履 約印

翠碧紅泉虛映空仙家樓閣靜簾櫳袖中新草天台賦

長嘯深山意氣雄雅宜子王寵

王履 韓二 吉印 齋

吳印 景旭

仁山 鑒定

元保 方之

又文衡山水墨山水立軸

紐本高二尺七寸六分闊六寸九分亦做仲圭以上二圖俱見之畢氏廣堪齋

己酉八月十日子獻過我雨窓坐話寫此徵明

又文衡山秋色離離圖立軸

紐本水墨高一尺八寸七分闊一尺向在洞庭東山今亦歸廣堪齋

秋色離離到草堂早看疎葉點秋霜道人自得蕭閒味

睡起攤書暝夕陽微明

文印 徵明

惟康寅 吾以降

媚眼風光恰似春白沙黃荻水鄰軒牕遍啟拋書坐

鸞鶴襟期土木人王寵

王履吉印

又文衡山四月吳門詩立軸

粉箋高四尺一寸五分濶一尺六寸六分此詩甫田集未載

四月吳門春未闌春風珂珮玉珊珊未誇畫錦鄉閭重

又見星槎使節還家世百年還道義壯懷千里自江山

白頭無限分違意都在飛鴻縹緲間嘉靖丙午四月既

望衡山文徵明書

文印徵明

傳雲館

惟庚寅吾以降

又文衡山味泉詩立軸

紙本高三尺三寸五分濶一尺四寸八分甫田集未載

壽味泉丁君七表

味泉老翁慎而貞平生履法諳時

所見書畫

卷三 四四

懷烟閣



情曾將所得干世用時非事左還歸耕利名一笑付流  
水自與泉石恭新盟泉流涓涓玉一泓我心於泉同潔  
清十年味此如有得一洗塵慮胸懷澄向來志業屬賢  
胤諸子奕吳孫英英子孫效用父祖榮道在何必吾身  
行還應造物有消息故將壽考申功名只今七十古稀  
及精神不減身形輕由來靜退自可久況也強健年之  
徵遐年去去應千齡坐看羣鳳揚王庭 嘉靖庚子十  
月既望前翰林待詔將仕佐郎同邑文徵明書

文印  
徵明

徵  
仲

玉磬  
山房

又文衡山聞蛙詩主軸

經本高九尺七寸五分濶二尺八寸五分零此詩甫田集亦未載擘窠大字

青燈背鐙睡微茫閣閣羣蛙正繞堂  
細雨黃昏貧鼓吹誰家青草舊池塘  
年來水旱真難卜我已公私付兩忘  
為謝繁聲休強聒吳城明日是端陽  
聞蛙 徵明

文印 徵明

文 仲子

停雲

又文衡山虛堂夜情詩立軸

經本高四尺一寸三分濶二尺零八分即集中秋夜不寐有懷錢二孔周

客散虛堂夜悄然脩筠涼吹供清眠  
疎螢繞扇秋無賴淺水紅蕖月可憐  
侍女銀盃搖雪乳誰家玉笛唱嬋娟  
意中憶得城東闕孤鶴翩翩骨有仙  
徵明 文印 衡山

又文衡山春雨詩主軸

經本高三尺六寸五分濶一尺八寸一分即集中第十三卷春雨漫興

春雨蕭蕭：草滿除春風吾自愛吾廬高情喜誦閒居賦  
老眼能抄種樹書金馬昔年貧曼倩文園今日病相如  
燕香燕坐心如水平一任門多長者車微明

文印  
微明

衡山

又文衡山山谷體書詩卷

經本高六寸九分長七尺六寸六分其詩集中未見袖珍卷作大字宛然山谷

閑探梅花入竹來庚庚履齒印蒼苔碧雲蘿逕無塵到  
斜日松扉為我開題字尚留寒殿角繡經還上老僧臺  
白頭行樂何曾減又是春風第一回微明

文印  
微明

仲微

又文衡山一枝竹卷

引首宋經自題二字長一尺六寸二分畫經長二尺三寸跋經長三尺二寸高皆七寸九分

愛竹

徵明

文印

徵仲

嘉靖甲寅春二月寓於玉蘭堂

徵明

衡山

傳雲館

幽人寡嗜好愛此青琅玕月出墮夜影烟凝生畫寒有時閒自撫盡日倚闌看怪得無塵到清陰覆籜冠茂苑

文嘉

文氏休承

結宇悟幽賞此君諧素心涼陰分短榻風韻滌煩襟淇澳歌忘倦瀟湘夢更深祇應三徑在肯許子散尋石東

唐詩

唐印

石東居士

所見書畫

卷三 四十六

懷烟閣

世俗相傳仲昭一枝竹西番十定金此豈不值十定金  
耶梅花菴主後太常太常後待詔是亦畫竹一道統也  
乙未四月初七立夏日聽松山人陸時化

又文衡山江南七月詩立軸

經高四尺二寸四分濶一尺零六分題新秋載甫  
田集八卷

江南七月火西流殘暑蕭然一雨收手把芙蓉驚欲暮  
身如蒲柳不經秋涼風作意侵團扇斜日多情近小樓  
有約南湖將艇子晚香吹滿白蘋洲微明

文印  
微明  
衡山

又文衡山雁聲詩立軸

經高九尺九寸零八分濶二尺八寸一分詩集中  
未載擘窠大字仿黃山谷極精

尺書不至意茫茫酒醒俄驚鴈北翔迢遞秋聲連朔漠  
蹉跎歸思滿衡湘五更風雨青燈暗萬里江湖白髮長  
四海平生幾兄弟年來零落不成行 右雁聲 徵明

停雲

文印  
徵明

衡山

又文衡翁盧橘詩主軸

紐高三尺六寸九分濶一尺八寸六分詩集中未  
見向有以盧橘為橙為橘為枇杷又以為蒲桃然  
盧橘為秦樹蒲桃出漢宮豈有一物兩舉之理今  
衡翁起首二句似更舛錯而此翁博學當必有本

盧橘由來出漢家誰將名字雜枇杷風枝露葉金盤果

盡是僧房雪後花

徵明

又文衡翁新晴詩主軸

經高四尺九寸濶二尺三寸四分零詩載甫田集  
六卷中

積雨浮宿潤新晴人意適逍遙竹窓中啼禽破幽寂初  
陽動簷尾殘漏時自滴曲巷行跡稀苔花繡深壁新

晴

徵明

停雲

文印  
徵明

衡山

又文衡翁故人相見詩立軸

經高三尺八寸六分零  
濶八寸九分零

故人相見意欣然貰酒探囊有百錢既醉何須教且去

北窓正好對牀眠

徵明

文印  
徵明

衡山

又文衡翁除夕詩立軸

經高三尺六寸濶八寸詩載甫田集十五卷第三  
句集中改蹉跎日月前無幾較此墨蹟是改者工

百歲匆匆過隙駒等閒八十七四除前行日月知無幾  
俯仰乾坤樂有餘白首詩書重結課青春草木舊吾廬  
由來多病還多壽一笑殘癆未負余丙辰除夕一首為

子華文學書

徵明

徵仲  
父印

停  
雲館

又文衡山竹堂詩立軸

紙宋藏經高一尺六寸四分  
闊八寸五分

秋風落日野僧家旋掃松枝為煮茶儘有閒緣消世事  
頻來原不為梅華冬日過竹堂時梅猶未著花賦此

孤興

文印  
徵明

衡山

又文衡山友山草堂圖卷



國經長五尺七寸七分二接水墨微仲圭經素如  
新題經長三尺二寸三分高皆七寸三分

徵明

傳雲

文印  
徵明

衡山

題友山草堂圖

幽人住山今幾年結廬正在山之前

青山於人互賓主人與青山相浚先一段幽情翰獨占

玉削芙蓉正當面百疊浮巒鎖闥遙半簷疎雨朱簾捲

霧暗林深山欲滴一笑舉頭青可摘坐餐秀色神魂清

有時拄笏臨前榮知君及山似山靜不遣紅塵妨逸興

窗中遠岫列寒屏天外脩眉落明鏡  
辛丑夏四月廿

日書於停雲館  
徵明

文印  
徵明

悟言  
室印

又文衡山喜雨亭圖小隸書記卷

圖宋經設色高五寸七分長一尺五寸九分零記  
經高五寸五分零長一尺五寸記文不錄

壬子九月既望

徵明

徵明

款圖上

嘉靖壬子九月文徵明補書於玉蘭堂徵明傳雲

款記上

又文衡山雪景袖珍卷

圖經長二尺一寸七分小楷款彭臨池  
鳥絲格小楷謝惠連雪賦經長一尺六寸八分文不錄  
陸包山文壽承題經長一尺六寸八分乃汪李青  
牧藏之物高皆六寸二分

已酉冬過慈雲寫此不完而去明年三月再過稍加點

染老衰病瘡強勉執筆不足觀也徵明時年八十有二

徵明

季清  
真賞

汪氏古  
香樓藏

嘉靖庚戌十一月廿有二日暮投慈雲上人明心閣宿

曉起大雪積已盈尺山空景勝頗極清絕相與誦謝惠  
連雪賦并為書之高興援筆不覺凍冽也陰池山人彭  
年識

孔嘉

朔雪暗山河立馬不得發何處是滹沱雙關鎖重關野  
燒鐵衣僵寒聲刁斗歇遮莫綠窓人歌鐘待明月 辛

亥仲冬陸治為慈雲題

陸氏

字

叔平

包山

有

竹居

梁庾肩吾詠花雪詩

瑞雪隆堯年因風入綺筵飛花

灑庭樹凝瑛結林泉寒光晦一極同雲暗九天飄飄黃

竹路共慶白渠田

辛亥臘月既望偶宿慈雲上人明

心閣早起無事覽雪卷為錄是詩詩佳札惡西子而蒙

弊垢如何如何文彭識

文壽承父

又文衡山格言立軸

經高二尺八寸七分  
闊一尺一寸六分零

烏絲格行  
書七行

樂易以使人之親我虛己以聽人之教我恭己以取人  
之信我自檢以杜人之議我自反以息人之罪我容忍  
以受人之欺我警悟以脫人之陷我奮發以破人之量  
我遜言以免人之詈我靜定以處人之擾我從容以待  
人之迫我游藝以備人之棄我直道以伸人之屈我洞  
徹以解人之疑我量力以濟人之求我弊端切須勿始  
於我凡事無但知私於我聖賢每存心於無我 嘉靖

壬寅夏五月十日微明書於玉蘭堂

文印 徵明

山衡

又文衡山橫笛倚樓詩立軸

紙高二尺六寸三分零  
闊一尺一寸

橫笛何人夜倚樓小庭月色近中秋涼風吹隨雙桐影

滿地碧雲如水流 徵明

文印 徵明

仲徵

又文衡山墨蘭竹立軸

宋紙高二尺二寸一分闊六寸六分飛白石一塊  
蘭一叢竹一枝中潛二小鳥傲趙松雪小楷款

幽蘭奕奕汎清風撲雪吹香萬卉空莫恠山禽依淺草

低飛元自戀芳叢

徵明

徵明

文印 徵明

悟言 室印

又文衡山閑送秋光圖立軸

經高二尺六寸二分澗一尺一寸二分水墨中微  
用赤硃空明澄蕩亦是高品

寂寞寒皋帶淺灘幽人時共夕陽還水禽飛去青煙滅

閑送秋光入斷山 徵明 徵明 仲徵 父印

又文衡山松風澗水圖主軸

絹高三尺四寸五分澗一尺八寸二分青綠山頭  
渾厚高古雙松蔽日下結幽廬童子倚門而玩雀

行盡崎嶇路萬盤滿山空翠濕衣寒松風澗水天然調

抱得琴來不用彈 徵明 文印 徵明 停雲

又文衡山石湖圖主軸

水墨經高四尺三寸三分零澗一尺五寸一分波  
光千頃一舟橫於村間全用巨然畫法衡翁好繪  
石湖珊瑚網中載二圖一為陸子靜作題七律二  
首又一畫慎風入松一闕與此成鼎足矣

所見書畫

卷三 五十一

懷烟閣

愛此陂千頃扁舟夜未歸水兼天一色秋與月爭輝浦  
斷青山隱沙明白鷺飛坐來風滿髻不覺露沾衣 甲  
辰八月既望延望具舟載余泛石湖是夜風平水淨醉  
飲忘歸意甚樂也徵明

徵明

又文衡山山居圖立軸

絹本著色崇山峻嶺叢木陰濃似盛夏光景右飛  
瀑一道當此結廬窓中坐一紅衣女子二鶴閑步  
山麓絹本中第一出色之畫載銷夏錄其賞鑑不  
虛今歸大理晴沙張公高四尺三寸闊一尺九寸

嘉靖乙巳夏五月徵明臨黃鶴山樵山居圖

徵明印

停雲館

玉蘭堂印

又文衡山五友圖卷

經本水墨高九寸九分長二丈九尺一寸六分每  
圖一友題詩於後見之靜逸園

松石

徵仲  
父印

惟庚寅  
吾以降

停雲

片石與孤松曾經物外逢月臨樓鶴影雲抱人峯蜀  
客君當問秦宮我舊封積膏當琥珀新刻長芙蓉待補  
蒼蒼在樛柯早變龍

文印  
徵明

衡山

玉蘭  
堂印

蘭石

紫莖拆新粉別葉轉光風小閣茶甌歇相看細雨中

柏

文印  
徵明

悟言  
室印

黛色恭天二千尺霜皮溜雨四十圍

竹



約戶秋聲夜未降一天清樂夢湘江酒醒何處覓環珮

斜月離離紙窓

文印  
微明

衡山

梅

一枝竹外夢春酣雲落綃裳舞翠鸞天淡水平山月小  
一人吹笛過江南嘉靖戊子春二月子重邀余同遊  
玄墓留憇僧寮凡五日湖光山色窮極其勝歸舟寂寞  
子重出此紙索畫漫為塗抹昔子固嘗圖松竹梅謂之  
歲寒三友余又加以幽蘭古柏足成長琴惜一時漫興  
觀者當於驪黃之外求之可也微明

微明

仲微

又文衡山前後赤壁賦卷

經高七寸八分長一丈一尺六寸八分行書連款一百零三行文不錄

嘉靖庚子十月廿日雨霽興然因研有殘潘復旋得蘇長公赤壁賦漫書一過聊寄意耳徵明傳雲衡山雲館

又文衡山歸去來辭卷

藏經經高七寸八分長三尺九寸九分烏絲格連款三十八行文不錄

嘉靖壬子三月廿又二日書於悟言室中徵明時年八

十有三

文印  
徵明

衡山

待詔此書無筆不入聖洵晚年得意之作不可到之境也恭壽老人觀

恭壽

又文衡山紀恩 春遊二詩卷

紀思詩經高八寸四分長二尺六寸七分零春遊  
詩經高八寸四分長二尺六寸高魚格三十四行

恭候駕還自南郊 聖主回鑾肅百靈紫雲團蓋翼蒼

精屬車劍履星辰麗先駕旂常日月明十里春風傳警

蹕萬方和氣協韶謦白頭欣覩朝元盛願續思文頌太

平 駕幸文華聽講 朝下鑾輿幸講堂徐看天仗轉

東廂翠旗拂柳宮牆繞清蹕穿雲閣道長千載明良真

際會九朝文物舊彝章小臣漫廁夔龍後彷彿還瞻日

月光 嘉靖戊戌春三月八日書徵明傳云 明 衡 山

席丘春遊詞十首 吳苑春風處處宜好山西列更遶

遙韶光九十從頭數逸態閑情一一奇 城雪初消柳

未齊過燒燈市向郊西春來排日登山去先探梅花到  
短溪 西郊春雨夜初晴無數青山照眼明試看羅衣  
寒尚峭却誇先出向山程 閬江春水碧迢迢花下朱  
門柳下橋小妓隔花猶宿醉少年渡掖上蘭橈 弔丘  
近接閬閬西春到遊船日滿溪依路笙歌成懺悔一林  
桃柳當菩提 靈丘石上惠冷然紺壁樓臺劇目前香  
林遍遶生公石法境長寒陸羽泉 飛花狼籍照春衣  
薄暮風喧燕子肥踏徧陽春情未已山牕煮茗坐忘歸  
閬閬春風楊柳柔萬家絃管水西樓蘭橈夜逐桃花  
浪明月歌殘下武丘 不盡春山疊翠螺吳儂好事徧

經過山腰細路蒼烟裏月滿松關有醉歌 春山月白  
夜微茫踏月登舟任酒狂聯舫作鄰溪上宿一川花露  
夢魂香 嘉靖丁亥三月既望長洲文徵明書

停雲

文印  
徵明

衡山

記思詩載甫田集十  
卷中春遊詩未載

又文衡山大字詩卷

紐高一尺五寸六分長二丈六尺七寸一分大書  
二寸許甚妙

石湖初泛 舟出橫塘意渺然本來歸計為林泉青山  
相見無慚色白社重投有宿緣三月鶯花歌 五湖

烟水酒尊前吟風弄月閒情在此是春遊第一篇 閑

居漫興

即春雨蕭蕭草萌除  
一詩已見前卷中

除夕 戊子 堂堂日

月去如流醉引青燈照白頭未用飛騰傷暮景儘教強  
健博窮愁牀頭次第開新歷夢裡升沉說舊遊莫笑綠  
衫今潦倒殿中曾侍翠雲裘 糕果紛紛酒薦椒笑看  
兒女闌分曹燈前春草新裁帖篋裏宮花舊賜袍老對  
親朋殊有意病拋簪笏敢言高功名無今朝無籍不用  
臨風歎二毛 遊天池 即天池日暖白烟生一詩見前詩卷 徵明

文印  
徵明

衡山

### 又文衡山瀟湘八景冊

引首二幅雨雪金月白箋高八寸八分濶一尺五  
寸一分許初篆四大字極精画八幅絹本高皆七  
寸八分零濶六寸三分零四幅悟言室印四幅徵  
明二字印對題藏經紐尺寸與畫同後王酉室題

瀟湘八景

高陽許初題

秋竹隱  
疎花

濕雲載秋聲萬籟集篁竹江湖白髮長獨擁孤蓬宿

徵明

文印  
徵明

仲徵

月出天在水平湖淨於席安得

謫仙人來聽君山笛

徵明

文印  
徵明

仲徵

孤帆落

日明青山相映帶遙遙萬里情更落青山外

徵明

文印  
徵明

仲徵

驚鴻聽迴渚欲下還自飛葦深繒繳繁

歲晚稻梁微

徵明

文印  
徵明

仲徵

日沒浮圖昏遙

鐘隔煙嶺應有未眠人冷然發深省

徵明

文印  
徵明

仲徵

曬網白鷗沙衝烟青筠笠款乃一聲長江空楚

天碧

徵明

文印  
徵明

仲徵

鷄聲茅屋午靄虛烟

白市散人蹟稀山空翠猶滴 徵明 文印 仲徵 畧

雪灑空江雲冥天浩浩寧知風浪高但道漁簑好 徵

明 文印 仲徵 春暉堂

瀟湘夜雨 酉室 潘氏 雪堂 詩翰 餘香

竹色暗深邨泉聲亂幽渚扁舟客夢驚一夜瀟湘雨

洞庭秋月 璧月隨波心天水相涵照人在岳陽樓

憑虛發長嘯 遠浦歸帆 山雲靜舒卷浦樹遠

依微指點山窮處歸帆一片飛 平沙落鴈 翩

翩隨陽鳥冉冉下平沙野曠蘆荻深虞羅安所加

山市晴嵐 朝來山市望嵐氣云氣氤氳山晴白日高散



作青天雲

漁村夕照

前村落日明野渡漁舫

泛鼓枻詠滄浪賡歌楚江晚

煙寺晚鐘

樹色

迷青靄鐘聲出翠微遙見煙林外山僧獨自歸

江

天暮雪

同雲冪江天日暮紛成雪孤舟獨釣翁凌

寒寄清絕

丁酉夏日偶閱衡山丈所作瀟湘八景

琴

今為胸襟灑然率爾絕咏西室居士王穀祥

穀祥之

又文衡山蹴踘圖立軸

宋絳本高一尺六寸二分闊八寸五分零白描微着淺色不意衡翁人物之精至於如此何必龍眠

聚戲人間混等倫豈殊允翼與常鱗一朝龍鳳飛天去

搖是攀龍附鳳人青巾黃袍者太祖也對蹴踘看趙

普也青中衣紫者乃太宗也居太宗之下乃石守信也  
中垂於前者党晉也年少衣青者楚昭輔也嘉靖己酉  
七月十日徵明識

徵明

又文衡山秋聲圖立軸

絹本設色高二尺七寸濶一尺零二分今本身蠅頭  
小楷秋聲賦文不錄向為蔣雨亭先生之物先生  
刻敬一堂帖囑孫志貼摹刻入帖人皆服孫之能  
筆如蠅尾竟不失神

嘉靖甲辰新秋文徵明画并書

徵明

又文衡山倣倪高士立軸

紙高二尺零三分濶七寸五分今水墨蕭疎閑遠酷  
似雲林

抱病經旬不裹頭故人相顧特淹留虛齋寂歷無塵迹

共聽疎柯滿院秋病中承天吉過訪聊此記事文壁山

又文衡山倣雲林巨然二家小幀立軸

紙本水墨高二尺零一分濶八寸三分小楷書款方山頭用雲林皴樹法巨然

己酉十月之望寫贈子元文學徵明時年八十 徵明

又文衡山羣山疊翠圖立軸

絹本設色高三尺五寸二分濶八寸八分秀潤欲滴兼師仲圭巨然

突兀羣山疊翠屏臨流草閣瞰虛明坐來喜有相過客

識取漁梁拄杖聲 徵明

文印  
山衡

又文衡山饒別圖立軸

紙本高二尺五寸濶九寸淡設色疎柯遠山寥寥數筆而注意在一舟精細工整

秋風千里試初程不盡吳門送子情後夜扁舟江上宿  
滿天明月看潮生 八月望日震方北上過余言別賦

此奉餞并系小圖端家文璧

文徵明印

又文衡山扁舟蹋沙圖立軸

經本高五尺六寸八分濶一尺九寸五分水墨畫  
高老鬆快境界空靈

丹楓映水似春花開弄扁舟蹋淺沙何處鷄聲茅屋底  
隔江依約見僊家 徵明

徵仲父印

衡山

又文衡山水墨無價冊

經本如新每幅高八寸濶七寸五分果品翎毛花  
卉衡翁之難得者而是冊畢具且逸韻遒飛墨花  
蘊藉是極閑適之時所作極得意之筆也相傳墨  
林愛此冊獨不敢以藏印長蓋每呼為無價之寶

第一幅竹石簡貴

徵明

第二幅喬松幽澗

徵明

第三幅蘭竹愈簡

徵明

第四幅墨石白描

徵明

第五幅墨芙蓉秀

徵明

第六幅雙鉤蘭竹

徵明

第七幅葡萄一枝

徵明

第八幅怪石古柏

徵明

第九幅焦墨石白

徵明

第十幅竹菊石高

老而秀款書此頁

戊申九月閑齋無事偶有素冊在案信筆塗抹不覺盈  
紙蓋亦博奕者用心之類也徵明

停雲下徵明上

又文衡山墨竹卷

經本高八寸六分零長一丈七尺九寸五分每段  
皆先畫竹而後題

竹

停雲

滴翠離離雨生涼細細風

竹

清涼一滴

卧雲人

情知不是竹斜月下西窓

竹

停雲

聽竹 虛齋生深寂涼聲送清美雜珮搖天風孤琴寫

流水尋聲自何來蒼筤在庭北泠然如有求聲耳相諾  
唯竹聲良已佳吾耳亦清矣誰云聲在竹要識聽由已  
人清比脩竹竹瘦比君子聲入心自通一物聊彼此傍  
人湯求聲已在無聲裡不然吾自吾竹亦自竹爾雖日  
與竹居終然邈千里請看太始音豈入箏琶耳

竹

約戶秋聲夜未降一天清樂夢湘江酒醒何處覓環珮  
斜月離離印紙窗

夏日以錫過訪小窓弄筆書舊詩數首贈之 徵明

文璧印

文徵明印

衡山

卧菴所藏

又文衡山春遊詩畫卷

畫絹本高九寸三分長四尺九寸一分青綠山水  
詩經本高同長三尺四寸一分零鳥絲格中行書

文印  
徽明

衡山

不教塵負踏青遊出郭聊為笑一謀新水已堪浮艇子  
好山無賴上眉頭風撩髻影春衫薄樹罨溪陰幄稠  
一塢桃花偏入意江村橋畔小淹留舟行欲盡有人  
家記得橫橋是上沙南望風煙隨鳥沒西來壠落帶山  
斜煖催新綠初歸柳水映酣紅忽見花殘酒未醒春困  
劇汲溪暉試雨前茶十里扶輿渡野塘旋穿松嶠入  
蒼蒼風吹麥莖平疇亂日炙草花村路香春色釀晴供



樂事巖光搖翠落飛觴清忙剛被山靈笑却笑擔夫為  
底忙 松根小徑入天平共舍籃輿歷翠屏陟巘試窮  
千里目勺泉聊憇半山亭石淩蒼靄相離立樹匝晴煙  
不斷青落日英賢呼不得荒祠喬木有儀型 二月望  
與次明道復汎舟出江邨橋抵上沙遵陸邂逅朱堯民  
錢孔周登天平飲白雲亭次第得詩四首時嘉靖甲辰  
春也徵明識

徵明

衡山

又文衡山書西園雅集記卷

鴈門文徵明書

玉蘭

文印

衡山

經本高八寸三分長四尺五寸二分文不錄後附  
黃震白描圖王憲曾王承曾錢荃張惇許培秀題  
亦不備錄

明文壽承詩卷

紙本高七寸九分長一丈六寸  
大行草

賦得玉河春色

春半京華盛綺羅  
冰清太液長新波

燕巢香壘依金殿  
柳拂流澌出玉河  
細草生香晴日麗  
煖雲將雨落花多  
風光流轉須臾事  
且向樽前一浩歌

春日小集

二月飛花滿帝城  
柳絲新轉上林鶯  
及時正好尋行樂  
逮暇何妨酹友生  
已喜清歌聲杳杳  
更憐法酒玉盈盈

明時幸逐羣公後  
勝賞難忘此日情

袁魯仲改官南部詩以送之

爾向南京非避世  
余慚

北闕尚貪名兩行  
新柳誰為折  
千里歸人已  
有程心逐

去旌隨夢遠酒傾離恨共愁生還家正是春三月一路  
看花到石城 清明大雪因憶十年前亦以是日有雪  
蓋北方常事而南人則未之見也 清明大雪亂紛披  
十載曾逢今更奇點綴桃花增艷色密封楊柳壓新枝  
寒侵繡幄冰重見月冷瑤臺露下遲說與南人應不信  
區區莫怪夏蟲疑 神樂觀小集分得飛字 南郊三  
月草菲菲出郭行遊擬息機東時遠依金闕迴仙家常  
有白雲飛不堪綠樹催時候無奈紅塵送落暉為愛春  
光留不住惜春聊復送春歸 送王茶泉大理恤刑雲  
貴 頻年太學共徊翔此日承恩出建章萬里驅馳趨

熒貴一心仁恕擬于張好生自得哀矜理比法無妨具  
獄詳若得寬平無濫及定將聖澤慰遐苙 送沈長科  
忝臥河南 當年夕拜瑣闥即此日承恩下建章敕奏  
久知承密勿撫綏今復見循良風塵去去辭燕薊旌節  
翩翩指洛陽行見望 還少府徵書早晚出明光 王  
麟洲入京聽選過金陵言別同表魯仲高座寺餞之  
仗劍辭家及暮春相逢白下柳條新擬從北闕霑新命  
且向南都別故人細雨暫停僧寺酒煖風輕拂馬頭塵  
古來名士多少看爾聲華切禁宸 有感 年來蹤  
跡任西東萬事都歸一笑中薊北紅塵虛歲月江南白

日又春風悠悠莫問隍中鹿落落空懷塞上翁安得高  
情同叔夜時將雙目送飛鴻 隆慶壬申二月寒江連  
日今日稍和書此遣興實計有四日也三橋文彭記

長跋

燕郊

文彭  
之印

文壽  
承氏

兩京國  
子博士

又文壽承草書小幀立軸

白宋紙高二尺五寸  
有法喜轉輪藏經印

黃鳥啼春春晝長紙屏矮几竹匡床金鑪香燼茶甌歇  
挂起湘簾納晚涼 文彭為梅隱書

文壽  
承氏

三橋  
居士

又文壽承臨懷素自序帖卷

紙本高八寸五分長二丈三尺  
文不錄

嘉靖己未冬日雨中戲臨

文壽承氏

文彭之印

三橋居士

又文壽承水龍吟詞立軸

經本高二尺三寸濶七寸九分其詞即待詔公所  
作依依落日平西上下二闕文不錄

右調水龍吟此先君所賦郭次甫愛而誦之命錄一過

嘉靖壬戌新正九日文彭記

明文休承臨石田西山有虎圖立軸并臨諸題

經高四尺三寸八分濶一尺白石翁既作卷又作  
立軸詩題同往西山之人亦有不同

嘉靖辛亥九月為五湖禮部臨於蕭閑齋文嘉

休承

文氏休承

文嘉

蕭閑齋

吳之西山舊無席戊戌之春忽橫行林谷周因尋先人

所見書畫

卷三 六十三

懷烟閣

塋地與宿田老兄同經其間且恠且行道逢山農多能

形容其威猛作西山有帟行二章系於圖後歸之宿田

云 西山人家傍山住一章已載西山有帟動成群一卷一不錄

長洲沈周 何人捉筆圖猛帟一詩吳文定題予嘗題

帟圖實與石田同一感歎之意宿田翁請書之予何可

辭吳寬 成化十五年後十月常熟縣有虎來尚湖居

民及其半濟殺之以送之縣縣復以獻之府人莫以為

異也乃為作歌以紀之寓附此圖之後李應禎 昔聞

扁渡河去今見扁過河來深林幽谷不肯住青天白日

來此何為哉昂頭豎尾不聞吼頃刻便能登岍走健兒

操舸竟乘之長篙殺之如殺狗曳來當道腥風起此害  
祛除人盡喜縣官見之心亦驚連呼壯士有如此祥耶  
異耶人籍籍獻之大府喧自息府中諸衙競鬪分髑髏  
為枕皮為席食其肉寢其皮虐人之報當如斯於乎虐  
人之報當如斯為人上者寧不思

又文休承琵琶行圖立軸

紙高三尺九寸四分濶一尺一寸六分即於本身  
畫烏絲格王祿之書小楷琵琶行父不錄

嘉靖己未十月望文嘉寓意 休承

嘉文

嘉靖己未冬十月十又七日酉室王穀祥書

酉室王氏祿之

又文休承天台攜琴圖立軸



經本設色高三尺零一分潤八寸八分以上三圖  
皆休承出色之作

疑是天台路携琴獨自行  
高高翠微裏遙見石梁橫文

嘉

文嘉

又文休承青綠竹塢琴

經本青綠高七寸五分長三尺九寸三分跋高同  
長三尺零八分

乙亥九月望文嘉

休承

錦帶  
書生

卧菴  
所藏

文水  
道人

湘水陰陰竹葉開  
有人中散立莓苔  
谷風夜發長條舞

寂寞山鳴珮玉來  
茂苑文嘉

停雲

文嘉  
印

文印  
休承

不知門外路一室女蘿陰  
種竹城中少看山  
畫裏深白

雲浮世事綠酒古人心  
君唱吳趨曲梁生任陸沉  
姬吳

王穉登

王穉登印

微尚在丘壑幽棲灌木陰閉門塵自遠種竹興何深香茗能供客圖書足賞心買山非所計任達置浮沉周天球

周氏公瑕

休寧朱之赤珍藏圖書

又文休承春山仙館圖立軸

紙本青綠高四尺三寸五分濶一尺七寸九分此真本極靜穆臨本便有俗氣

春山仙館圖 丙子春日文嘉寫

文嘉休承

傳雲館

又文休承古檜圖小幀立軸

紙本水墨高一尺八寸四分濶八寸七分見之金縷荷霞

虞山山下七株檜云是梁年天監栽落落離立老氏廟

森森遠映昭明臺風生似聞猛虎鬥雲起直訝摩龍來  
莫言委棄未得用已見磊落俱奇材甲寅二月文嘉

文嘉  
休承

又文休承做吳仲圭古木竹石立軸

紙本高二尺四寸  
潤七寸餘

山齋雨坐漫然香几淨窓明竹檻涼午睡起來無一事

自翻殘墨寫蕭湘文嘉

歸來  
堂印

文休  
承氏

文水  
道人

又文休承寒林圖立軸

高一尺八寸五分潤七寸七分  
紙本水墨小楷款  
詩斗玉百穀詩

己酉除夕蕭閑齋寫寒林圖

休承

崔氏藏文和  
州先生書畫記

萬戶千門火燭天辛盤柏酒坐燈前河方渡帟除苛政

雪更驅蝗北有年布衲蒲團甘倭佛豚蹄盂黍漫穰田  
兒童不惜流光換玉漏聽殘未肯眠 冒絮披裘獨擁  
爐一杯從俗飲屠蘇園同庾信剛三詠却比陶潛過五  
株魚鳥相親為我伴馬牛隨意任人呼不知野店山橋  
外開得梅花半樹無 右己酉除夜庚戌元日二首為  
載夫先生題畫王穉登

青羊君

王印穉登

又文休承雨後山圖立軸

經本水墨高三尺三寸八分濶一尺三寸六分見之金蓮石處

長日熱香靜掩閑鳴泉隔屋送潺湲小牕筆硯餘情在  
寫得雲林雨後山 辛酉七月十九日文嘉

文印 文印 求定 傳  
嘉 休承 齋 雲

新沱村裏草縱橫景物蕭然類野僧清閬閬中人不見  
更翻公案到休承 嘉弟酷愛雲林之筆其得意處遂  
能亂真雖沈君石田有所不逮世人少有知者特為拈

出文壺

文 彭

文壽 承氏

巒容淡淡水潺潺竹樹蕭疎落照間要識箇中真筆意  
直從清閬到蕭閒 雲林有清閬閣文水有蕭閒館也

辛酉七月廿二日穀祥題

之 祿

迂生多逸情點筆生逸氣更有蕭閒人雲煙吐真味

甲子春日題於揚州郭第

次 父氏

又文休承做雲林立軸

經本水墨高四尺濶一尺零九分潘岳遠得之於王敦吉

三月江南薦櫻筍鷓鴣瀟瀟迴塘靜蛛絲牽空網落花  
雲母屏寒浸嬌影簾外沉沉春霧冷綠蘿欲覆花間井  
泥金小扇障紗巾畫橋紫陌踏香塵花開遲水流急  
江島對眠莎草濕吳姬如花花不及摘花笑映溪流碧  
楊柳烟籠萬家邑柳下王孫為誰立幽渚泥香生綠萍  
閒看梁燕壘經營右追和倪徵君江南春二首偶寫  
小圖筆意頗類因錄於上乙卯十月既望茂苑文嘉

文嘉  
休承

又文休承隋堤卷

縮本青綠高八寸長四尺一寸九分跋經高同長三尺零二分

隋堤舊蹟

茂苑文嘉製圖

文水道人

漫遊塵土古揚州  
漸見繁華逐水流  
烟淨不迷隋帝樹  
朱簾猶捲杜公樓  
錦帆落落邗江口  
斜日荒荒古渡頭  
一宿瓊花塵夢醒  
不堪征鴈動歸愁  
宿揚州瓊花寺  
重題茂苑文嘉

文嘉之印

雨過煙生瓊樹林  
殿巖丹雘帶斜曛  
空中高樓十峰立  
橋外垂楊兩岫分  
積蘚漸磨銀榜字  
攝衣時拂采霞文  
玄心未遂尋真叟  
獨向巉巖禮白雲  
文肇社之印

肇社之印  
卷而

風景江南第一州雷塘歌曲水空流香銷月魄三千黛  
烟鎖花宮十二樓遠樹殘陽收雨脚嫩晴濃綠滿山頭  
題詩更會圖中意玉笛鄉關何處愁松圓老人次韻  
陽孟

明沈石田僧寓引觴圖立軸

紙本高三尺七寸八分濶七寸九分全用梅道人  
画法

今夕承天寺依依燈燭光話驚風雨到情覺弟兄長氣  
暖冬猶電年衰髻及霜仍愁此杯後萍梗又茫茫育  
菴兄長及歲不相見偶值承天僧寓燈下引觴情話因  
洗欠渴詩以識之并圖永為好也 弘治丁酉季冬十

日沈周識

啟南

石田

王翫菴  
書畫記

仲敏

賞心



又沈石田水墨柳湖圖立軸

經本高三尺六寸六分濶一尺二寸八分一片湖光中橫一艇蘆汀落雁柳色遠山

簇迤過長蕩識此平生始春流方漫衍曠蕩弥千里老樹葑層雲敷芽青擬擬正如一明鏡皴蝕銅綉起西山欲臨照掩却螺髻異山亦扣怒去南走太湖溪羣勢湧叠浪爭捷互排擠我恐先我去揮手喝止止湖山四面好轉側皆可喜此面正佳絕扁舟載西子芳洲有隙地肯賣脫紫綺移家非舟砂所好在山水長洲沈周

款石田

又沈石田賣花殷圖立軸

經本高三尺五寸三分濶九寸九分水墨平遠山水中流一舟一老於船頭吹笛見維揚張氏

斜日映江皋波影迢迢怪他疎樹葉蕭騷似伴老夫雙  
短髻物弊人凋放箇小輕舸順落秋潮笛聲閒唱月  
兒高料得無人來和我且自逍遙右調賣花聲一闕以  
補圖之不足八十二翁沈周

啓南

石田

又沈石田蜀葵百合圖立軸

經本設色高四尺六寸濶一尺五寸三分半經畫  
半經山谷體書題見之清朗僧卷

風雨葵花小院前老夫留此學安禪家中儘有家中事  
客裏聊脩客裏緣蒲酒畔粽檠邊一般佳節過年年浮  
生所寓誰拘我着霰為歡也自仙端陽雨中偶客東  
禪僧寓世榮携粽酒至與酌及酣因造鷓鴣天詞以寫

客懷乙卯沈周

啓南

白石翁

又沈石田設色山水巨冊

紙本十二幅每幅高一尺一寸九分濶八寸九分  
每幅皆有題

晚山忽忽看雲生山有雲生乃有情未必丹山重似畫  
只於此處看天成

林霜重葉

籬落蕭條靜者居問字客來山屐響

及門猶未掩殘書

隱居只在一舟間與世無求只好閒遠放江湖讀書去  
還嫌耳目近青山

湖上新晴宿雨收平頭艇子貼天浮罌尊酌得三千斛

大醉去題黃鶴樓

塵世茫茫少閑地却將亭子水心安  
風來月到無人管惟有閑人時倚闌

松聲奔流日日狂高懷靜坐水之傍  
千山萬壑都非物雙耳冥然不覺忙

危岸峭壁江天濶日暮沙頭渡時隔  
水橈聲空軋軋意慌偏覺進舟遲

樹裏平橋秋日長風絲掠髮晚生涼  
紅塵有事滿城郭二叟還為靜處忙

信脚清溪細路斜角巾梢落紫藤花  
尋常記得相過處

口未鷹門先喚茶

騎驢旅食杜陵老十載長安空白頭一掌岳峯青入眼  
只於詩句寫新秋

長夏山林清暑地凭欄覓句兩翁偕綠陰滿目泉聲裏  
醒酒吟詩有好懷

朔風吹面雪晴天客子幽懷似浩然獨棹扁舟載野鶴  
段家橋北訪孤仙

弘治庚戌沈周

又沈石田臨別贈言圖立軸

紐本設色高四尺四寸二分濶一尺五寸八分山  
下一長堤陳成齋揖別上馬石田明古送之

臨別贈言 較餉南荒簡近臣便經故國似生春暫逢  
不盡由裏話即別難堪向老人曉袂判風山對酒秋輶  
隨雨道清塵煩君為報吳宮諭白髮全衰舊嬾民

長洲沈周

啓南

白石翁

黑髮黃扉舊使臣洛京騎馬又新春歸來已是三年事  
夢寐猶驚萬里人退食禁中誇好雪遷居巷北喜無塵  
晴窓偶坐看詩墨更憶吳門兩逸民 玉汝以石田翁  
贈別圖見示因上有詩及予為次韻一首末句所謂兩  
逸民蓋併史明古言也戊申閏月望日吳寬

原博

杳杳西南萬里程輶車到處使星明山圍孤戍深難覓

路雜諸夷靜不驚轉餉每憐荆地困歸途還趁蜀江平  
過家旋復趨朝去玉佩成行導駕行 松陵史鑑

吳未

與君生別離

鑑史

又沈石田林堂思清圖立軸

經本水墨高四尺三寸五分濶一尺九寸蕭疎閑遠兼雲林壯苑兩家僧無意歲

林堂夜火烟涼更獨自微哦覺思清庭角未休螢細細  
簾衣忽動蝠輕輕喚茶屢攪山僮睡戲墨聊隨野衲情  
閣筆起看河漢轉不知莎露漫晶瑩 玉溪上人以此  
紙索畫久未有暇以應今夕同坐習靜房夜况頗清勝  
遂捉筆湯填紙空且得消此永夜亦是老人自能遣撥

處少年俱不知也癸丑七月三日沈周石 啓南石

又沈石田聽松圖立軸

經本淺設色高五尺九寸三分濶三尺一寸三分  
喬松一株忝天蔽日下坐一仙長尺二三許秀逸  
出塵手執一笛側耳靜聽松風無題款隙雲故無  
題識有朱文石田大方印紙接乃石翁出色之作

又沈石田靜釣圖立軸

經本設色高三尺九寸三分零濶一尺七寸二分  
蕭爽高老之筆

老大江河容靜釣清虛天地寄扁舟竿頭儘有存生地

渭水悠悠照白頭 沈周石 啓南石

又沈石田八景卷

每幅高俱八寸濶一尺四寸四分經本 第一幅  
綠柳二株柳下結茅灘頭一舟無人自橫 第二



幅枯柳七株高臺一亭一人携杖過橋水墨第  
三幅淺着色溪中石一塊上列杉木一叢一人亭  
中凭眺第四幅墨點兩樹一叢水閣三間遠山  
遙露古刹第五幅水墨老樹含烟古藤繞之上  
幅水鳥三隻第六幅淺着色用荆浩皴法第七  
幅水墨枯樹二株第八幅水墨作雪景止一喬  
木古藤纏繞叢竹茅屋一人持傘而歸此玉樹堂  
金氏物

楊柳當門溪水清柳花飛盡綠陰成讀書活計如種樹

樹到榮時人亦榮 沈周 南 江光掩映夕陽臺

今日癡翁安在哉好在雲山呼我出何消仙鶴化重來

瀝窮愧汗思濡筆認錯微軀是脫胎春暖秋涼並無事

白頭不放此心灰 右儗大痴小景識愧成此沈周 南

碧闌晴日蕩江光琴罷茶餘更續香吟得一聯猶未穩

送春呼酒有多忙

沈周

田石

鵲突溪山鵲突雲

令人雙眼不能分  
近來世事多如此  
莫把聰明持贈君

沈周

南啓

三點五點落日中  
一聲二聲高木風

隋堤漢苑渺何許  
匹馬長途西復東

沈周

南啓

白石翁

林壑超世想靜疑  
日月遲疎標漾漾  
碧愛此清漣

漪豈不懷古人  
逃名事書詩于馬  
自朝夕此外無能為

沈周

南啓

田石

草茸茸兮遠連近  
木濯濯兮非

楠非梗山空日長  
兮忘乎歲年誰與  
我乎周旋

沈周

南啓

田石

一白千岑合清光  
照膽寒小橋沽酒  
去步

步玉痕乾

沈周

南啓

所見書畫

蘇長公題吳道子畫有云筆所未到氣已吞三百年來  
惟白石翁足以當之余生平所見長卷巨幅用筆有拔  
山扛鼎之力辟易萬人此八幅雖信手率意而天機迥  
別絕無劇纖習氣深得古人遺法藏之者宜珍重之丙  
午初冬後學王翬謹題

耕烟

王翬之印

### 又沈石田水墨五圖卷

五圖俱宋紙無款識各用陰文石田二字印高皆  
七寸二分今第一幅濶一尺二寸做雲林枯槎二株  
一亭一坡第二幅濶一尺零七分今石壁特立壁上  
作米樹一叢仄路一條通古刹浮圖一人隨童而  
登壁下一片波濤小舸三四而已第三幅濶一尺  
零三分山下雜樹蘆柴門斜開有亭臨水二人  
對坐而談筆極纖細第四幅濶一尺二寸做米家  
雲山第五幅濶一尺零七分喬松千株臨濶一橋

二老行橋上一童挹槩而隨圖後詩札三幅亦宋  
 經高皆與畫同第一札濶一尺三寸五分十六  
 行第二札濶一尺一寸五分十四行隔水綾後  
 跋二經一高八寸七分濶二尺七寸六分翟式耜  
 題一高一寸七分濶三尺三寸六分宋德安題又  
 三跋高八寸七分濶二尺四寸三分陸鳴時沈荃  
 徐元文題又一跋高八寸七分濶一尺零三分申  
 經題又三跋高八寸七分濶五尺八寸七分錢朝  
 鼎勵杜納高緝睿題以上俱時下經本見之京兆  
 孫芭溪處

奉謝藜杖之貺老年如給一力鄙語未足為荅也聊見  
 耿耿耳 孫子憫老蹇惠杖若無杖其輕猶握烟且喜  
 不歷掌七尺多臃腫論重僅銖兩促節數三十還復有  
 一長敢書照然獨任探梅往暑雨地沮洳出遠步堪  
 強非惟借便捷顛躓有所仗何以謝記存小簡附拙響

沈周奉似西川詩伯文凡

啓南

別後病愈益痰咳日夕靡寧夜懷一首奉寄博和周  
上西川知己執事 肺承濕火謂時行咳引干聲氣莫  
平疾痛欲呼天不近痰癢愁竭老何生林廬未夜蟲蛇  
亂田穗先秋鳥雀爭如此惡懷無遣撥起挑燈火坐餘  
更黃土 牛黃乞上緊消息周再拜

書孫庶明所藏沈石田做宋元五家畫卷 我明畫山  
水名家盛於吳中前浚不啻數公而論者惟錢塘戴進  
長洲沈周二公並稱擅長然靜菴雖云精能之極今所  
流傳終不脫馬夏風氣殆專門之學也聞石田先生中

年以前時好倣作晚年始匠心獨運乃益神妙蓋其生平志尚淵雅師法高古而資以深造博學文章詞翰皆雄視一代宜非餘子所及也茲卷為吾友孫庶明所藏共五幀第一似法北苑次禹王次房山次河陽次晞古種種奪真而筆墨蒼潤氣韻雄渾殆此翁中年以後得意作也庶明祖西川先生與石田稱生死交其繪事亦精妙嘗與石田互為小像今藏庶明兄弟家試一披閱之當日二老精神欣欣來風沆爽奕奕猶在眉宇間如獲親見之宜庶明之珍惜此卷不啻如寶其手澤也庶明以余好藏石田翁真蹟屬識其尾不揣蕪陋漫書數

語而歸之崇禎壬申夏五浚學瞿式耜謹識

瞿印 文懿 式耜 曾孫

憶昔年孫扶桑年兄嘗為余言先世有沈石田畫卷為瞿稼軒先生所極稱賞庶明先生珍藏有年乙酉兵燹之餘得之露草間稍為風雨所蝕赤崁購良工整之復為同產子竊去鬻之豪家赤崖以百金歸之丁酉破家以來此卷復不知去向竊謂延津之劍不復合矣戊申夏赤崁來自遼左見此卷於長安友人家赤崁泣然出涕復謀所以歸之者顧奚囊中僅有三十金傾以與之而此卷復為赤崁有噫亦異矣世之賢子孫能守其先業者寡矣赤崁於流離困頓之餘能返其故物而永懷

承志若此余因悲赤崖之過而壯赤崖之志為之識數

語於癸未戊申冬日同學宋德宜

宋印 德宜

天 蓼

人有以畫重者畫有以人重者石田之畫既不愧前賢  
其為人又稱施後學宜其與西川先生為至交也當日  
兩公精神與後人之精神嘿相感召故屢失復得若有  
神助曩見輔公嘆賞余亦言及公曰俗謂有千年必  
有千古之人而後可傳其意在石田尤在西川先生也  
辛亥冬至前赤崖袖此卷屬余記數語因思公言以識  
一時之嘒洞庭陸鳴時敬書

陸印 鳴時

文 繡

勝國畫手以家石田先生為冠石田人品既高又博綜

所見書畫



宋元諸家而變化之唐文諸公弗及也吾郡自顧亭林而後代有作者至董文敏全師北苑脫盡吳門習氣而於石田獨推服不置蓋體格雖殊而宗風自印此中有正法眼藏也余生平所見石田畫頗多大槩皆屬質拙藁本粗具神理已索然矣此卷為赤崁始祖西川先生所貽疊經兵燹洊歷風濤杰崖能於嘿羽脩尾之餘購得而寶藏之雖珠還劍合不乏神靈所護要其志尚有足欽者余故深幸得覩石田翁之真墨而於去來往復之道更不無厚望於赤崁也長途行笈其慎攜之哉時康熙壬子仲春朔華亭沈荃湯識

石田翁畫理超脫詩句頽然自放想見老人揮毫撥墨  
景象此卷為虞山孫西川先生所藏執友贈荅古道具  
在先生玄孫吾友赤崖於窮嶠絕塞流離頓踣之餘購  
而得之出入必携可謂不忘先澤者矣康熙壬子春二

月立齋徐元文識

徐印  
元文

立齋

余向購得石田翁梧桐畫幅為虞山孫氏家藏而散軼  
在外者蓋孫氏之先與石田翁稱莫逆交故其家所藏  
畫卷甚富吾友赤崖為西川先生後人其於先世所藏  
寶之不啻手澤此卷再失而再得之去來徃復之際有  
不勝慨然者因思古人法書名畫得之難藏之尤不易

赤崙於流離困踣之餘能返其故物若赤崙者可謂賢  
子孫矣珠還劍合信有天焉陰相之哉康熙壬子上已

日梅江申稷識

稷申

余嘗於春秋佳日經遊吾谷見西川先生子姓猶有澆  
周以言山人墓者蓋以言與石田俱為先生莫逆交以  
言歿而先生留葬其墓前隙地因嘆交道衰薄世誼久  
勿復講今先生子姓猶能於百餘年後絮酒澆祖先執  
友之墓淋漓悲感如未經有宿草然者此種古誼真可  
廉頑敦薄今亦涯於此恭厯更滄桑患難得失幾再守  
而勿失固其枯櫟深思足徵仁孝而於祖先世執一既

亦未嘗不有動於中也不然當日西川先生暨庶明先生豈無他長物而必為是兢兢慶幸於羽陵之壺復完河東之亡再邁哉世間萬事皆屬空花惟孝友淵源不敢亡所自亦有生習氣也赤崐其善藏哉至石田先生畫法精微盡於稼軒先生評隲余不蹈扣盤捫燭之誚康熙壬子冬仲月錢朝鼎呵凍識

紅鴿錢印 劉陽氏山房朝鼎一字曰黍谷

庚子客長安友人為余言常熟孫氏家傳石田先生真蹟今為市賈居奇心竊慕之即就觀焉已奉世廟徵購入御府矣越十年辛亥赤崐來邸舍出以示余亟披閱之畫法詩翰皆希世嘉珍積想頓酬亦快事也第此卷

一失於滄桑兵燹之餘赤岵出厚貲以還已稱奇購及  
再失於瑣尾流離為賈家謀售御府萬萬不可復得乃  
以鼎湖升遐仍歸市所赤岵復於艱難厄抑中傾囊力  
購珠劍奇緣於茲堪鼎傳矣因思赤崖遭逢不淑猶念  
其高曾執友之筆墨先世所珍好弗忍一旦棄去其用  
心為何如也此卷已為神物呵護默成其志赤岵年來  
獻賦行在深荷溫綸復命賦詩作字褒賞無已當塗又  
登之薦章行見赤岵出困鬱游華廡以食其仁孝之報  
矣靜海同學弟杜納識

秋儀  
石畔

杜納  
公近

余自遼左交赤岵其道風古誼心儀久矣後於長安獲

觀此卷益服其仁孝之苦衷真迥出尋常萬萬是以枯  
樁手澤實有神物憑焉此孫氏必興之驗也珠還劍合  
何足以喻之瀛海同學弟高緝睿謹識

雪莊高緝愚谷氏  
鈞隱齋印字鏡山

又沈石田老枯圖立軸

經本水墨長四尺三寸八分  
闊一尺八寸八分

我家老枯堂之前碧玉枝柯森百年

鬢髮五鬣葉

蓁時有竿籟風冷然秋深隨籜愛鱗甲日出黛翠開  
雲烟竒立蔽牛何足數徂萊新甫須比肩托根到我似  
失所氣寒土瘠殊難便昂霄之勢就偃蹇翫離艸莽悲  
遺蹟小人得意偶有地君子委命常由天余深無聊色

所見書畫

卷三 七十九

懷烟閣

作瘁之才之美於誰憐我持雞酒禱司土所假冥力回  
袞屨固知廣大能厚載區々一植當私全 余家有枯  
一本實先公手植迨百年物今茲雨溢作瘁對之浩嘆  
許國用至以史曰盍禱司土之神庶可回幹因為文以  
告之又為詩以致鄭重之意國用以紙索錄復系之以  
圖用存不忘云國用掣去云物雖化此可保之正德改  
元夏五五日沈周有竹居 石田 沈啟 南氏 遺齋 來禽 許國  
又沈石田石泉交卷

引首紙高八寸七分長二尺零六分文待詔隸書  
二字力能扛鼎畫高同淺色亦紙本長二尺零九  
寸尾雨雪金紙高同長一丈五尺八寸五分今四縫  
皆清河氏張一經印畫無款止印無林木止石泉

石泉 徵明

文印 徵明

山衡

清河氏 之圖書

啟南

張印 一經

方畫工印

高人野居只青山  
潔心潔體惟泉然  
松風萬壑雜其間  
兩崖白石如齒頑  
高人日來卧松邊  
心遊太古體自胖  
泉聲如訴石不言  
掉頭一笑擎其拳  
三者意會友道全  
日落青松眼在天  
萬事不理交百年  
石泉若人人石泉

長洲沈周

啓南

布衣 之士

唐寅

唐 居士



山石簇翠開磷砢古泉瀆玉飛晶瑩石行偃蹇泉枯曲  
有時激射鏗然鳴泉鳴谷應巖聲意枕流漱石幽人情  
幽人癖習無所托掃除塵俗盟寒清此身玉瘦秋稜競  
中心瑩澈寒波澄幽人自抱泉石真佳名勝境終古誰  
能爭

長洲文壁

文壁  
之印

文徵  
明印

當軒石丈勢稜層更有原泉混太清一日那容別幽耳  
百年真可寄閒情米公端合具袍笏孺子何勞歌濯纓  
聞說膏肓清癖在一毫塵俗可能嬰江東金琮金氏  
流雲根蟠活水高賞契幽襟不改巖巖節焉知混混心寒  
燁應韞玉清韻自鳴琴瀛海還相近王母或可尋祝先

明

祝希哲

包山真意

又沈石田雪景卷

經本高七寸七分長三尺二寸八分款在經尾跋  
另經尺寸不計

弘治己酉冬日寫長洲沈周

沈啟南氏翁白石

魚梁鶴逕雪層層影入清波景倍增上瀨橋西看更好

東風吹散半池冰右詠雪詩書石田翁小景上小子

鹵莽多見其不知量也後學文從簡雁門可文印

萬樹千花盡文春遠峰箇箇玉嶙峋谿南策杖來遊者

不是山陰雪後人久無石田先生佳畫看見此不覺

一快因記憶先生所題詩遂錄於上蓋讀詩知輞川畫

益佳信然漫游陳裸

公讚室白

昔癸巳歲余在池陽仰宗子家觀石田先生南湖釣隱  
圖見其煙雪迷慢古健絕倫如陶潛之詩不衫不履如  
張旭之書無古無今心竊慕之隔二十餘年夢魂常往  
今復覩寒林積雪圖萬山俱在玉屏中冷風慄烈襲人  
毛髮不在此身衣帶間覺舉世俱清涼境矣遂漫筆而  
記之時乙巳初夏日也匡廬後學蔡脩題并書

醉月修人

又沈石田落花詩畫巨幅立軸

紙本高九尺六寸五分濶五尺七寸淺設色大樹  
八株多枝幹而葉初萌于極枝間以見落花時候  
一人臨水而坐遙望遠山上空素經半幅書落花  
詩三十首其詩見前文待詔小楷冊不錄

送行落花詩三十首書呈乾菴先生改教既而出巨紙  
命繪圖并書其上殊不足為詩畫也觀者勿哂弘治十  
四年歲在辛酉新夏長洲沈周

沈周

白石

尺沈石田瓊林玉嶽卷

經本画與跋皆高一尺零二分画長一丈七尺八寸四分共五印自跋長四尺二寸五分吳乾菴王百穀跋長七尺一寸五分錢跋長三尺八寸胡呂林三人跋長二尺五寸五分

南

石

小安樂道人

許臣珍玩圖書

我聞居士

聖印

世節欲學予拙筆為山水粘此長卷索為雪意信手塗  
染瓊林玉嶽槎牙襟袖幻出毫穎良以自快擲筆觀之  
為之起粟於膚腠間真有寒氣逼人他日世節筆力之

至亦自知也今其言似矜初可發世節噴飯耳長洲沈

周

許臣珍  
玩圖書

沈氏  
啓南

許臣  
之印

北都新暑不可耐更看黃塵尤晻曖新圖授我起涼颺  
客到何曾嫌襤襪瓊林玉嶽誰攜來白石磊磊冰成堆  
恍然一棹寒江上日午水精宮正開  
匏翁

法  
喜

原  
博

匏翁

長洲  
吳氏

許臣珍  
玩圖書

畫家惟雪圖最難合作啓南先生擅長此卷謝在杭司  
李裝中物寒江古木遠嶽平沙白石齒齒層澗涓涓窮  
極景象師心自得一掃丹青畦畛信哉妙絕千古矣謝  
君將避暑長干寺舊京六月多炎歊雖金地清涼不免

試展此卷北牕下當令法座瑟然皆思挾纊不減王元寶家龍皮扇子耳戊戌清明日冊中書王穉登

王百穀

王穉登

許臣珍  
玩圖書

石翁居長洲之相城有竹庄中推牕即見虞山故其詩有北牕最愛虞山色也似香鑪生紫烟之句其游虞山歲必一二至中車蠟屐與一時高人秀民留連觴詠唱和無虛日而西川孫艾實為東道主人即此卷所謂世節者也世節秦川貴公子才情爛熳傾家以奉石田如顧玉山之於鐵崖而石田亦為之傾倒因其學畫遂不惜以金針相度則兩公生平氣誼亦見一斑矣卷舊歸

謝在杭今為曼公藏弃世皆重石翁之畫不知世節為  
何許人余故為略疏之以質於後之賞鑑家若其畫筆  
槎枒突兀老筆紛披是石翁晚年之作具眼者自能辨  
之丁亥夏六月蒙叟書於燕都之邸舍時出獄

方七日也

我聞居士

蒙叟

錢印

子孫方年永寶用

啟南識趣高邁寄托悠寥游戲翰墨輒出人思議表吳  
中諸先輩評騭具列余復何言曼公許叟又今荷大賞  
鑑家此卷歸其什襲信聲氣應求矣岷峨逸史胡世安

識

大宗伯章

岷峨逸史胡世安印

余未識畫品曾學識人品其人磊落古拙骨氣間時帶

有耐寒意必知其人為君子也再徵其嗜好大抵肖本  
質者近是余遇曼公先生肅然起敬抑所謂君子其人  
歟既出啟南卷子眎余嗜若珙璧然噫余知曼公矣因  
此卷益知曼公因曼公益知此卷所謂磊落古拙骨氣  
間帶有耐寒意足銷人煩熱寧獨曼公有此卷有烏寶  
曼公得勿寶此卷哉余茲解綬歸里當無復濃郁想尚  
夢寐間不忘曼公其人啟南其書及余為歲寒三友可  
乎固所願也禹都古安邑呂崇烈書

志在  
明學

呂章  
崇烈

康熙戊子六月望日香泉太守以送客過余寓廬云近  
得石田翁卷甚奇因遣騎馳取相示余即定此卷曾傳



入閩以題籤字宛然先輩陳磐生筆也及閱画至跋果  
知其為謝在杭先生舊藏香泉服余見識之精因屬題  
其後余惟白石翁之畫晚而愈蒼辣其一種天真爛漫  
之致有在筆墨豁逕外況此卷為其學人說法筆示  
現金針尤使人愛玩不忍釋手今年都下甚熱倘入伏  
時即得此不知消幾許清涼惜雨後炎衰而秋風亦漸  
屆矣因題而歸之謝名肇淵有小學齋集陳名衍有大  
江草堂集二公傳皆載虞山列朝丁集中不具錄香泉  
則今南安太守海寧奕禧陳公其博雅工書蓋不亞於  
二公云福州林佶識

吉人  
之辭

林  
佶

吉  
人

啟  
南

許臣  
之印

又沈石田傲雲林卷

經本水墨高九寸零六分長一丈零五寸五分一  
接跋紐高同長二尺四寸一分

弘治改元三月下浣沈周製

啓嘉禾李稽古閣收  
南氏珍藏藏珍玩印阿口

沈氏在吳郡幽蘭生林壑一莖只一花香氣已有餘何  
况數花在其香當何如石田沈氏產風韻清而腴豈惟  
妙詩律寫畫亦不拘一筆落鱗素價比明珠公卿重  
其名安用驚凡夫群從有才叔碧海珊瑚株對客寂無  
語往往成新圖何為一堂上有此二妙俱此幅出石田  
運思從倪迂圖成贈乃弟託意殊不虛游藝聖人事觀  
物賢人徒樂山人必仁樂水人不愚父兄為一體教詔

舉一隅願言韓家符畫讀城南書 延陵吳寬 博原

嘉禾李氏珍藏

鐵聖山人鑒藏

又沈石田補足吳中山水卷

經本二接淺設色用細勁筆全師北苑巨然乃石翁變相出色之作高九寸二分長九尺七寸五分今詩題經高與畫同長二尺六寸画上無款有啟南印金依孔印

吳之為國水所涵有山平衍無巉岩我家多水少山處  
悵望翠微心所貪時能借墨補不足數紙連絡長畚耜  
峯巒重複間溪澗雜樹列布多楓栲或開大壑漫山足  
其椒半為浮雲舍僧廬隱映遠木杪平圯道谷出水南  
東村西落互親友畊田鑿井同丁男便須芒履與藤杖

聽泉採藥我亦堪陽岡亭館誰擇勝雅許酒會并茶談  
嘗聞巴蜀天下險未可一往尋覓蟄子長之興浩不淺  
感此老髯霜鬢聊因此圖識所見卧遊一生還自甘  
弘治乙未秋日沈周 虞石亭 南 啟 白石 翁

又沈石田臨梅花道人秋江晚釣圖卷

画經本水墨高八寸三分長一尺七寸二分題詩  
亦經高同畫長一丈八尺九寸六分共二十二題

斜日映江臯波影迢迢恠他疎樹葉蕭騷似伴老夫雙  
短髯物弊人凋放個小漁舸順落秋潮笛聲閑送月兒  
高料得無人來和我且自逍遙 弘治壬子歲秋九月  
廿日有客携梅花道人秋江晚釣圖其筆法勸勁甚得

董巨意漫興臨此愧不自知醜也見者毋以畫視之沈

周

啓南

此詞已見前立軸調寄賣花聲

此詞與款從未後倒捲書

清河書畫舫所載梅道人漁父詞圖余見之太原相國家今歸吳中蔣氏與此同一筆墨元氣渾淪不涉纖巧想啟南畫後即贈禪家故後題皆月江上人之所徵也

五畝園主

此跋在隔水綾上不在二十二題內

皎月浸澄江清暉含上下幽人澹玄心沉沉坐清夜素

表

表印永之

江水明於鏡中涵素月光冥心如有覺吾欲上慈航願

問

行之父

周山主人

月色明無盡江流長自深閑中一俯仰端合契禪心許

初

吳中三讓里人

月印千江白江涵萬壑深清江與明月總是一禪心王

問臣

太原王生

王氏正叔

金鏡流輝夜有光碧波千頃玉汪汪山僧悟却心源淨

水在胸襟月在牀文仲義

文印仲義

道承

祇園僧寶世無雙高韻還同月在江悟得真如塵不染

朝來聽法我心降彭年

天塹浮蒼漠銀盤徹素波禪心塵不染空境味如何雲  
水飛孤錫漁舟弄一簑樊籠吾未脫何日得相過袁祖

庚

表氏  
繩之

儀部  
郎章

一月散于江千江同一月欲知本來性空明自昭揭文

嘉說偈丙辰八月廿五日

茂苑  
文嘉

文休  
承氏

蕭閑  
齊

人與月同孤光落寒江底兜率清淨心萬劫化為水時

現白蓮花分明空鏡裏吾徒苦海中回頭無址何當

附慈航來聽恒沙旨陸儀

陸儀  
私印

橋  
山子

悟却空明性天宮有道林請看江上月清夜照禪心周

山人顧孟林題

山  
父氏

月印千江不盡沉江清月白雨悠悠澄來夜色金精溢  
散却寒芒玉氣浮萬頃不波天在水一塵無染鏡涵秋

道人悟取原來性滿目風煙一鈞舟文徵明仲徵玉聲山房

鉞月脩江心天水相涵照禪性本空明應與同光耀王

穀祥之祿冢宰之屬

萬里長江帶月流江清月白兩悠悠如來色相今誰似

惠遠真能向上求王庭王氏直夫岬嶠山人

異域今無外高僧世所稀苦心窮寂滅宴坐得精微持

鉢何年至傳燈是日歸公卿揮中禁下裨衣海濶

杯還渡雲遙錫更飛此行速處所何以慰虔祈月江

上人以畫卷索書余近少休暇不能詩也偶案間得孫

逖詩書以歸之時萬歷己卯春王正月瑤泉時行書



璠泉

大學士印

山川重複出心地  
閣相逢忽憶秋江月  
如聞古寺鐘湖  
平南北岼雲抱雨  
三峰定力超香象  
真言攝毒龍風中  
何處鶴石上幾年  
松為報烟霞道人  
間共不容王錫爵  
書

王氏元馭

學士之章

妙秀元稱支道林  
經年禪誦行何深  
一龕孤坐香臺夜  
月印空江是爾心  
姬水

黃志淳父

黃印姬水

陽月懸太空澄輝  
落江底元知不染  
心還同月印水沈

庭訓

沈印庭訓

沈子承氏

侶羽人于丹丘

月江詩為覺上人賦  
月照千江水千江  
月一輪空然

四大影洗淨六根身明寂禪心似清虛色相冥偶來題  
半偈無着與天親爾句東沈明臣書

句章靈寶居士  
外史

秋月白於水江空復如月水月映乾坤三千毫髮我

聞古大士現身海南窟光明照四方萬象撼超越朗然

開士心千載契真訣寒潭澄秋波彼岸登寶筏三毒此

中消六塵一時蔑舍利發圓光精彩永不竭凡夫蔽塵

根障礙無由脫願灑楊枝水沃我胸中沫普度過師緣

一切藉超豁長洲張勉學

益父  
丁未進士  
庶常  
吉士

爾有摩尼珠照彼恒河界予亦問津人為說空明解太

原王鼎爵

陽  
太原

王氏仲子  
烏衣白眉

亭亭雙樹 蔭禪床欲問無心到雁堂為愛香筵誦經

處孤雲一片宿閑房 去年飛錫向金陵水滿清江月

滿庭空外閑身如長物慈航惟載法王經 方外士張

獻翼

張獻翼章

別字初于

石湖漫士

識道年何蚤青泥忽作蓮聞香能證果觸味已通玄醉

少風流座情餘文字禪溫柔鄉欲老還訂白雲緣 俞

琬

平天題止後先高祖孺開公一跋另紙

沈啓南做梅沙彌秋江晚釣園室靈中帶渾厚乃此公

出色之作後為高僧月江上人得之徵名公巨卿題詠

共二十二人僧號月江而啓南於畫上題詞又有笛聲

閑送月兒高句故諸公皆以江月禪心說法喻釣舟為  
慈航素繩之文衡山仍以釣舟入禪理一荒江上人能  
以九州人才盡入網羅亦未免於釣譽然遂成珠林勝  
會月江其傳矣乎

北胤

陸印  
兆胤

愛丘山

### 又沈石田江山歷覽卷

首至尾皆紐本引首隸四字長貳寸五分圖設色  
長四尺畀三分石翁自題長貳寸七分楊君謙記  
長貳寸五分零浦有微題長貳寸五分零高  
皆存六分

### 江山歷覽

宗素

意在  
筆先

### 沈周

沈氏  
啓南

卧菴  
所藏

朱之赤  
鑒賞

審耕  
堂印

老夫裹足蓬茨底自愧江山如夢裏尋常向人歌遠遊

雲夢在胸心萬里徐卿蓬矢三十年眼真足到非徒耳  
秋高倚劍太行雲夜來濯酒新豐市有詩有画供行李  
甕天海為鹽鷄恥自期司馬半天下要窀何山定藏史  
今年來蘇訪老夫巴蜀晉秦談洵美何當脩語更為圖  
破費剡溪千幅紙長洲沈周

沈氏  
啓南

江山歷覽圖記 前進士吳郡楊循吉撰觀樹軒

君謙

大略為丈夫居世未聞有不遊者蓋事業恒在四方非  
游弗成所謂仕是也仕而遊者征有期事有責蓋無暇  
手盡其觀也非仕而游斯游哉新安徐君廷應善吟能  
作梅花以鉅貲客游凡大都名鎮足跡幾遍所見高山

大川不可以指數偉麗奇秀納之心胸者富矣以為幸  
遭明時生世家得縱子長之興有此壯游不可無志乃  
作圖命之曰江山歷覽請余載諸文以記之且索詩人  
詠焉樂哉君之游乎其與仕者異矣苟使得意留連雖  
旬月可也何程之迫何責之萃乎然今江流山峙在在  
成境風帆其間者朝夕何限彼固覲而失馳而過耳焉  
覲所謂江山之勝哉然則如君之知愛者鮮矣愛而能  
紀之抑又鮮矣乃不辭述以標君之清逸別於恒游之  
人焉弘治六年四月六日記

南濠仲堂  
圖書之記

平生奇觀濩眼座大都不過吳越裏較君胸次欠局促

一駕艤艫數千里窮探直欲遍禹蹟豈是區區誇口耳  
嗟嗟即彼微逖徒兩脚不曾離井市一逢泉石頓生憎  
甘飫膏粱不為恥昔人散逸皆有傳我今為君脩野史  
古心古貌不類俗稱之交游匪渝美恨相見晚何為懷  
聊和新詞寫生紙 廷應以行誼重吳下 敬止易史  
不輕許與者亟稱其為人則所謂行誼想有所試矣因  
以是卷索題借韻如右癸亥陽月后長洲浦應記

稟樹軒

有徵

大木堂

按浦有徵跋則尚有敬止易史之詩今逸矣 聽松  
又沈石田溪居清話圖卷

引首藏經經圖設色高八寸八分詩跋與圖連高  
同皆經本長共二丈一尺零三分自國首至題尾  
計六縫每縫有湘雲館騎縫印少時與張南華太  
史同觀於弄珠樓今隔二十年而復見

河洛頻年勞宦跡歸雲倦鳥是休時行藏合道皆從易  
康濟存心更事鑿青草耨鋤問農圃白頭杯酒話親知  
何妨日日相追逐百歲人生會有期 膚菴先生休致  
回緣曠郊郭不能以時追逐茲獲雅叙累日因寫溪居  
清話系詩贈之少寓老抱之適云弘治辛酉清明日沈

周

啓南

長懷許下相從地半是斯文論述時別駕政成還擢守  
行囊書滿且兼鑒品題眼具諸生服勸課心勞野老知

所見書畫

卷三 九十二

懷烟閣



却羨溪居有真樂百年空憶

殘缺

歲丙寅三月友生

邵寶書於冰臺之澄

缺

賢園

嘉樹亭

又一首湖南舟中作 吳中舟會憐今日許下相思記

昔時暫領簿書非俗吏兼通方脉是儒醫迹從野水橫  
舟見興許孤雲老鶴知賦罷溪居還入画石翁應念百

年期 二泉

邵寶氏

宋應功之後

搖城金氏

又沈石田江程泛舟圖立軸

經本設色高二尺五寸一分濶六寸七分零吳人以石田細筆為貴故推此幀為絕品

江程何悠悠汎汎江上舟載彼圖與書言往海上遊東  
海有君子孝友天德優好爵不久縻重有此岵憂歸來

从二兄春酒照白頭怡怡家庭間和氣聞遠州之子固  
愜从芝蘭味相投匪特自假益尚應童蒙求春風動花  
柳絃誦溪堂幽可睇不可即含情渺長洲 長洲沈周

有竹居

敬南

翰墨林 御題面書府

儀周 式古堂 鑒賞書畫印

今之今之仙才今之 仙客清玩客鑒定

又沈石田臨巨然白雲蕭寺圖卷

圖與詩跋皆經本高皆七寸六分圖設色長三尺  
七寸五分詩跋長四尺一寸五分

辛酉小春為仙舟主人作沈周

沈氏 敬南

石田

同是浮生有限身隨時行樂莫拘春青山好在須閒日  
白髮多來少故人沉醉話言狂更謔久要滋味老偏真

東城北郭今伊始看菊尋梅事 新沈周

敬南

白石翁

所見書畫

卷三 九十三

懷烟閣

憂患年來併老身  
花開花落不知春  
西風未黍衰殘業  
斜日桑榆感慨人  
詩思頓枯懷抱惡  
髭毛多改語言真  
舊游因話多陳迹  
只有尊前酒味新  
甲子十月望仙舟  
主人復能尋盟而  
至時余老母泊鴻  
兒俱喪情抱頓非  
辛酉初晤之日雖  
出此卷重題感今  
念昔不覺其言於  
邑也沈周

南啟

明唐六如寒林高士圖立軸

經本水墨高四尺二寸五分濶八寸二分金吏部南廬先生故物

楷杖橫挑鶴步高  
古林斜日踏平皋  
煉成五字吟腸斷  
一任西風亂髭毛  
弘治乙丑臘月上旬吳趨唐寅畫并

題

唐子畏  
圖書

南京解元

汪季青審  
定墨寶

履硯  
齋

又唐六如携琴過橋圖立軸

絹本設色高四尺七寸長二尺四寸六分  
虞山蔣雨亭故物  
李成

茅屋風清樹影高白頭聯坐講離騷懷賢欲鼓倚蘭操

有客携琴過小橋吳趨唐寅

吳  
趙  
南京解元

唐寅  
私印

又唐六如春林雙鳥圖立軸

紙本水墨高四尺一寸一分潤八寸六分  
經素如  
新墨花凝靜二鳥欲宿而具生動真無價之寶

草覆虛亭隱者居日長能辦一餐魚山空寂靜人聲絕

棲鳥數聲春雨餘

唐寅

南京解元

唐  
伯席

唐寅  
私印

又唐六如草閣晚涼圖立軸

經本濃設色高一尺六寸七分濶九寸一分天台  
僧朽木藏

草閣臨溪足晚涼檻前千斛藕花香蕉漿滿貯金甌冷

復有新蒸薄苛霜 唐寅畫

唐伯虎 休寧朱孝  
珍藏畫書

又唐六如漫興十首詩卷

經本高八寸二分長一丈三尺九寸一分吉安太  
守蔣蕙叔姑丈物已刻敬一堂帖中廉叔雨亭子

漫興十首 十載鉛華夢一場都將心事付滄浪內園

歌舞黃金盡南國飄零白髮長滿榻亂書塵漠漠數聲

羌笛月蒼蒼不才贏得腰堪把病對緋桃檢藥方此

生甘分老吳閭萬卷圖書一草堂秋榜才名標第一春

風絃管醉千場跣趺說法蒲團軟鞋襪尋芳杏酪香只

此便爲吾事了孔明何必起南陽  
一身憔悴掛衣襟  
半壁藤蘿覆釜鬻去日苦多休檢曆  
知音諒少莫修琴  
平康驢背馱殘醉穀雨花壇費朗吟  
老向酒盃棋局畔  
此生何望不甘心  
悵悵暗數少時年陳跡關心自可  
憐杜曲梨花盃上雪灞陵芳草夢中  
烟前程兩袖黃金  
淚公案三生白骨禪老後思量應不  
悔衲衣乞食院門  
前驅馳南北罨頭塵襤褸衣衫墊  
角巾萬點落花俱  
是恨滿盃明月即忘貧香燈不起維  
摩病櫻筍難消穀  
雨春鏡裏自看成一  
笑戲兒棚上下場人  
平康巷陌  
倦遊人狼籍  
堯花中酒身短夢風  
煙千里蝶多情絃索

一沐塵黃金誰買長門賦黛筆難描滿額顰惟有所歡  
知此意共燒高燭送殘春 自怨迂疎更自憐焚香掃  
榻枕書眠蘇秦捫頰猶存舌趙壹探囊已沒錢滿腹有  
言難罵鬼措身無地反憂天多愁多恨多傷壽且酌深  
盃看月圓 踏遍迴廊細自籌騰騰無語重低頭四更  
中酒半床病三月傷春滿鏡愁白面書生空鵬賦黃金  
游客剽貂裘年來踪跡真堪畫飛葉僧房細雨丹 盡  
恠趁鶯鶯不能自知才命兩無憑難尋萱草酬知己且  
摘蓮花供聖僧兩字功名成蝶夢百年蔬水曲吾肱盡  
嘗世味猶存舌茶薺隨緣敢愛憎 造物元來最忌名

太平又合老無能交遊零落綈袍冷風雪飄飄瓦罐冰  
二頃未謀田負郭一餐隨分欲依僧醉時試倩家人道  
消盡粗疎氣未曾

蘇臺唐寅

同年唐子畏詞翰見重當世此則書為姚舜承者舜承  
亦年家佳子弟子畏以此書益工但不久溘逝此蓋其  
絕筆耳展卷三歎

嘉靖甲申上元日景暘書

六如書其結構用筆與趙松雪皆同少異者松雪含蓄  
六如發露其道亦有可想而知者松雪所享極人間榮  
祿又得配賢子宜其出筆雅和六如哀然為舉首即  
遭折挫無可進身而家又酷貧衣食書畫不平之氣有



不從筆尖在在流露耶此卷較松雪有過無不及所謂不平者不獨見之書誦其詩而悲歌感慨之交集矣向為雲貴撫制虞山蔣雨亭所寶愛已摹刻入敬一堂帖中卷中脫一金字從別處鈎一金字補足多一向字則刪去之 不全錄

陸時化

又唐六如墨竹立軸

經高二尺三寸五分濶一尺二寸三分錫山華氏之物

滿腔蕭洒五更風恠是無端攪夢中夢見故人忙起望  
白烟寒竹路西東 南塘鄒蠡溪過余學圃堂因言及  
南沙知己故寫此為寄唐寅

唐  
伯虎

齊

又唐六如聞雞詩立軸

經本高二尺九寸九分今潤九寸九分書法李北海兼米襄陽極精金陵琴僧寒中物

三通鼓角四通鷄天漸黎明月漸低時序秋冬復春夏  
舟車南北與東西眼前次第人都老世上恭羨事不齊  
要向其間求穩便一壺濁酒一餐蔬聞雞來教索  
書詞筆俱拙慙愧慙愧元善先生至誼友生唐寅

南京解元

唐寅私印

六如居士

又唐六如綠樹秋風圖立軸

經本設色高三尺五寸八分潤八寸二分今見之畢氏小壺天

綠樹秋風合青山落照邊幽人閒坐處石上掛飛泉

唐寅

南京解元

尚志堂  
珍藏

又唐六如行楷五言律立軸

經本高四尺五寸三分濶一尺零八分渾厚圓潤  
宛然松雪

郭外山色暝主人林館秋疎鐘入卧内片月到床頭  
夜惜已半清言殊未休君雖在青瑣心不忌滄洲

唐寅  
私印

南京解元

又唐六如做李成山水立軸

絹本設色高四尺五寸三分濶二尺三寸六分零  
見之金蘊石處

野橋流水地行仙風月無邊在在然我杞新詩聊見意  
祝君眉壽到三千吳郡唐寅為南隱先生  
趨吳 南京解元

又唐六如近作卷

紙本高九寸長八尺七寸二分零書法全師李北海

近作雜詩數首呈上請教 遊廬山 匡廬山高高幾  
重山雨山煙濃復濃燒丹未住屏風疊騎驢來看香爐  
峯江上烏帽誰渡水巖際白衣人採松古句磨崖留歲  
月讀之漫減為修容 過嚴灘 漢皇故人釣魚磯魚  
磯猶昔世人非青松滿山響樵斧白舸落日晒客衣服  
牛立馬誰家牧鷓鴣鷓鴣無數飛嗟余漂泊隨饘粥渺  
渺江湖何所歸 元夕 有燈無月不娛人有月無燈  
不算春春到人間人似玉燈燒月下月如銀滿街珠翠

游村女沸地笙歌賽社神不展芳樽開笑口如何銷得  
此良辰 春來 春來踪跡轉飄蓬多在鶯花野寺中  
昨日醉連今日醉小瓶空到大瓶空漫吟險韵邀僧和  
煖簇薰籠與妓烘借問社中諸契友心情比我可相同  
登天王閣 雨為黃梅破四旬水津平地汗津身風  
將棹泊翻滄海天迫樓開近紫宸科斗裏巢新乳雀闌  
干上見遠行人詩成既醉依然醒拭眼西山紫羅新  
人日 今朝人日試題詩更簇辛盤煖酒卮楊柳弄黃  
梅破白一年歡賞勳頭時 早起 數盡南樓百八鐘  
殘燈猶掩曲屏風鷄聲一片催天曉都在紅霞綠樹中

穀雨 亞字城中穀雨春滿街車馬漲天塵金釵錦

袖知多少都是看花半醉人 治下唐寅頓首 李父

母大人先生台座下

唐伯席

唐寅私印

吳郡夢墨亭

項印二

項懷桂書畫記二

仙史

又唐六如水墨蕭寺圖袖珍卷

引首藏經經有二印七朝清白傳家留耕莊圖書記圖經高五寸八分長五尺六寸五分卷首兩岸

柳絲中橫一艇一人靜坐船頭看飛鷺旋作崇山峻嶺茂林脩竹鉞石曲尺帶長牛毛紋筆三顯露

人所不能卷尾於叢杉中露蕭寺白雲吞吐而止吳江潘少白從無意中得此佳物跋在隔水外

毘陵蕭寺寫呈

懋德秋元

唐寅吳廷

唐寅唐子畏私印圖書

吾郡文沈唐仇直與宋元四大家並驅聲價亦相等近

兩見書畫

卷三 九

懷烟閣

時獨尚唐仇因其風韻豔冶無縱橫習氣耳此圖有淡  
遠之致乃其生平傑作賞鑑者自當與天球珙璧同寶  
也癸丑小春婁水王鑑題 瑯琊 王鑑之印 照員  
甲寅仲冬既望掃地焚香靜觀於塲東書屋項奎識

奎字 天武 藏之名山

又唐六如亂山雲瑣圈立軸

經本高二尺七寸四分濶八寸八分今在金友石  
處

澗墨飛流白練張亂山雲鎖樹千章忘機盡日懷猿鶴

應笑紅塵市裏忙 唐寅 唐子畏 圖書

山勢穹窿野水分飛泉滴處靜中聞蕭條風景誰為侶

祇有蒼寮共白雲

吳騏

文伯印

玉樹堂金氏  
珍藏圖書

又唐六如遊開先寺詩立軸

經本高三尺八寸二分濶九寸四分其詩即前自作卷中匡廬山高高幾重一詩不再錄

遊開先寺作

唐寅

吳趙

南京解元

六如居士

又唐六如椿樾秋霜卷

通體經本高皆八寸一分引首長二尺六寸三分上隸書四字畫設色長三尺七寸三分就京兆序長三尺八寸五分行楷樾精八人題共長九尺二寸二分縫二金友石藏

椿樾秋霜隸

心画

痴癩

雲間古石居士陸一鶚

晉昌唐寅

唐寅私印

休寧朱之赤  
珍藏圖書

椿樹秋霜序

蓋聞執桓稽叅依雲作想外形存乎中



有本立而後道生觸彼肖形寓我弘理所以通道器於  
一貫契天人於一機者也若夫德罔昊天孝窮九地嚴  
容漠漠徒留根柢之深終慕皇皇忍覩標枝之瘁昔馬  
靈樹挺矣一株今也沉光悲哉九月溽露宵澍清霜曉  
零坐成慘烈之姿倏失靜慈之氣雖方遺寶氏千載恒  
新而文紀莊編一時歸晏此新安吳氏兄弟文舉文復  
椿樹秋霜之目可以永孝而示來也蓋吳杲溪之世族  
也自御史少微公開緒於唐而較書叔夏君襲芳於宋  
至乎二君之顯考建輝府君寔地產之傑才惜天奪此  
良士平生德美茲辰發揚是故語其孝則縻我玉膚復

生親患稱其忠則貢彼金箭竟死王程推誠每切於解  
衣卹乏常勞於捐廩剛豪莫挫柔弱必扶何期大運難  
諶中道委折遺孤二子曰進曰還：即文復允稱二難  
內交於余爰請序述嗟夫萎條枯本無涉乎髮膚結露  
泣寒恒遷其氣序二君惟終慕之不置故曰心以多途  
原夫裨助之功存乎至約而已歛入方寸視於無形則  
萬芳叢麗莫非風木之顏春日載陽不異寒之候輒  
申鄙見期於考成焉耳弘治十有三年歲舍庚申春三  
月既望鄉貢進士長洲祝允明序 太原

程印

希哲

江左  
人文

卧卷

子孫  
保之

休寧朱之赤  
珍藏圖書

靈椿一夕瘁嚴霜千載荒唐合笑莊最是惱人風撼處  
知君清淚欲沾裳姑蘇都穆

敬玄

逝矣堂上人冥冥不可作堂前泣血子日夕心作惡瞻  
彼堂下椿枝葉亦槁索謬有八千期脆厄不可托生死  
理乘除人物亦扎若長洲沈周

啓南

有竹居

大鈞無私運萬物有消息湯湯杲漢旁允矣善人室當  
時固栽培靈椿蕩無匹嚴霜一零落偉觀望中失惟存  
老風骨九土永不沒孝矣奕葉人母落肯穫力長洲祝  
允明

希哲

停停椿樹倚雲栽白髮嚴親去不回一夜秋霜椿亦殞

二難終慕不勝哀長洲表欽

敬之

漆園書說椿年長一株人比竇老即托根千載重發祥  
春風吹覆延陵堂延陵之堂杲溪旁堂中奉親初壽龐  
壘簾協奏春晝陽萊衣渡映瓊瑤觴永期親老同椿強  
北風一夜飛清霜椿兮不柰俄殞傷嗟嗟孝子涕泗滂  
眼前有竭枯愁腸哀哉見椿情曷忘竇家老即已北邙  
漆園之說歸渺茫於乎漆園之說歸渺茫 三陵葛樽  
長挹終天恨秋來恨轉多霜嚴如面在風撼柰愁何谿  
月明幽壠山鵲夜柯八千渾長謬竇老亦銷磨前山

朱綯

隸書

靜齋

廷安

考亭家學

一夜清霜摧折盡莊年浪說八千秋露華凝處枝枝淚  
寒色慙來葉葉愁尚想死根回故土忍看衰草怨荒丘  
空庭烏鳥棲無樹月冷風酸淚未休古虞錢敬之

一點

敬之

王溪  
艸堂

翠蓋幢幢高蔭寬烏雛棲息殊相安一朝青女生嫉妬  
枝疎葉脫烏巢寒大烏啞啞小烏泣露深月冷嗚嗚急  
嗚嗚不已母覆之大烏小烏聲漸息嗟嗟返哺心何及  
此生此恨無終極池守包先生大人示此乃故人易  
谷吳先生之孝思所及而更喜其老母康寧故有母覆  
之句不候其請而敬書之平湖沈勳

一夜清霜下碧天  
靈椿搖落曉堂前  
燕山未歷年多少  
莊史空傳歲八千  
不到雲霄先老矣  
欲成梁棟竟頽然  
祇今游子傷心淚  
猶似枝頭哭杜鵑  
復菴林資

明仇實父園居圖卷

經本高七寸七分零長二尺三寸五分青綠工細  
綠陰環繞幸夷一株草堂中兩人對坐古器滿案  
雜一樂器一童侍階下一童於花下烹茶一童撫  
古銅甌欵在經尾跋鉅高同長一尺四寸三分

吳門仇英製

十洲

南廬  
賞鑑

杜韋天尺五歸卧在海偏  
玉塵開蓮社金貂賞酒錢  
園居憑水竹林觀俯山川  
竟日雲霞逐冥心入太玄  
共  
有王猷好同酣脩竹林  
山光雲几淨水色畫堂侵  
斷續

名花吐玲瓏好鳥吟輞川如有待那得戀朝簪 此二  
作余為王敬止先生題其園居詩也今倩仇實甫畫史  
繪為小卷敬止暇中出示命書湯錄於後時壬辰夏四  
月六日雅宜山人王寵識

王履  
吉印

雅宜  
山人

又仇實父擣衣圖立軸

紙本水墨白描長二尺七寸濶七寸九分十洲有  
印無題

寒衣擣盡淚痕長八月陰山蚤見霜恨却此身空顧影  
不隨孤夢到遼陽 空閨秋夜思難平萬里心旌曳月  
明寂鮮容華易銷歇百年離恨入砧聲虛品山人周詩

仙源  
漁客

梧桐一葉落閨人千里心  
茫知邊候早乘月弄秋砧華

陽皇甫冲

子浚之印

皇甫辰公

桐葉秋風金井聲  
露華含月玉階清  
寸心自逐雙題斷  
欲寄關山無限情  
百泉汾

百泉山人

庭樹初殘鴻雁秋  
離人終歲寓邊州  
時將輕素臨霜月  
一夜砧聲萬里愁  
皇甫濂

道遇綜琴書

染翰雙題擣素秋  
桐華含露玉階幽  
無情惟有關山月  
夜夜城南照獨愁  
姬水

志淳

黃姬水

又仇實父蓬萊仙奕圖卷

首尾經本高皆八寸四分零引首月白箋長三尺一寸八分今衡山隸書圖澄心堂紙高止七寸長



三尺四寸二分設色工細秀逸似不食烟火跋長九尺四寸一分張鳳翼起至孫鳳翼皆小楷極精

蓬萊仙奕

徵明

文印

山衡

圖

仇英之印

父寶

古吳歸氏鑒賞

跋起

華雲從龍

華氏珍玩

古吳歸氏鑒賞

蓬萊仙奕圖卷乃龍陽子湖湘冷君所作君武林人名

啟敬龍陽則其號也中統初同邢臺劉秉忠仲晦少從

沙門海雲書無不讀尤邃於易及邵氏經世書天文地

理律歷以至衆伎多通之至元間秉忠入拜太保叅預

中書省事君乃棄釋業儒從遊於雪川與故宋司戶叅

軍趙孟頫子昂於四明史衛王彌遠府觀唐李思訓將

軍之畫頃然發之胸臆而遂效之不月餘其山水人物  
窠石等無異將軍之筆其筆法傅綵由加纖細神品幻  
出由此以丹青鳴於當時隸淮陽遇異人授中黃大丹  
出示平叔悟真之指頽然而悟如已作之至正間則百  
數歲矣其綠髮童顏如方壯不惑之年時值紅巾之暴  
君避於金陵日以濟人利物方藥如神 天朝維新

君有畫鶴之誣隱壁仙逝則君之墨本絕跡未嘗見矣  
此卷乃至元六年五月五日為予作也吾珍藏若連城  
之璧未曾輕與人看予將訪冷君於十洲三島恐後人  
不知冷君胸中丘壑三昧之妙不識其奇仙異筆混之

允流故識此特奉遺 元老太師淇國丘公覽此卷則

神清氣爽飄然意在蓬瀛之中也幸珍襲之且以為後

會云時永樂壬辰孟春三月三丰遜老書 張氏此印描希真

文彭 文壽 張三丰書此跋於冷啓敬真蹟後今承氏文三橋臨于寶父齒後并硃筆描印

縫 蔣漁儒鑒 華雲 項子京家珍藏 定書山印 役龍 華氏 珍玩

紅塵不與此山通一局千年萬事空知白知玄無象妙

為生為死不言功興亡劉項山河外聚散乾坤草木中

滿眼羊腸無妙着此機何處問仙翁 祝允明 文嘉

縫 曩華秋官過余觀仙奕圖愛玩不忍去手因出澄心

堂紙倩仇賓父臨之復托二文先生摹其跋與詩裝潢

成卷乃請太史公題其端自以為得叔敖於優孟面中  
即於虎賁矣去今三十年而遇不知卷已易主閱間不  
無今昔之感因為識之并系舊所作長句云 蓬萊之  
山在溟渤方丈瀛洲鼎足立上與蜃氣今有無下與鮫  
宮同出沒欲往尋之風引船由來此山與世隔秦皇空  
見巨魚來漢帝徒觀大人跡何如狂生得神遊六尺生  
綃見仙奕仙人對奕誰為傳能傳仙奕人亦仙僊本無  
心爾何苦縱橫局上猶紛然却恠手譚之不歇那知坐  
隱隱誰邊樵客旁觀亦難老斧柯欲爛無昏曉垂楊不  
凋舞青鸞紅蓮長芳覆瑤草蟠苑已實桂女携桃花落

地芝童掃龍陽冷君紫府卿玉皇香案標香名偶然興  
發欲玩世遨遊赤縣投帝廷三丰張老欣相得傾蓋清  
都心莫遂為言蓬萊俱舊遊因之繹思揮彩筆倏忽變  
勾殊景收分明五城十二樓龍陽隱壁作蟬脫三丰遁  
老從此逝白雲黃鶴相後先獨留仙蹟人間世晴窓展  
玩開心顏鼎湖龍髯不用攀我將持為長命錄負駮青  
龍叩天闕前邀冷君一執手後呼張老笑拍肩錦囊盛  
之懸肘後何用十萬謗腰纏萬壁壬午五月六日長洲  
張鳳翼

鳳翼

張伯起氏

發少侍先太史過雲槎張先生先生今伯起尊人也好

文而俠其行誼奇卓與顧玉山相類故以布素獲交當  
世鉅人長者又多蓄古彝器法華名染琅函薤軸度架  
間不啻書畫舫也記其出以索鑑於太史中有冷朝陽  
仙奕圖為太史所獨賞當其時發尚幼騃無識未諦玩  
也今此卷已不可得見得見仇實父氏摹本若真見楚  
大夫於章華之臺不單倡人之喜而已特為識此若其  
仙跡顛末與副墨流傳之故已脩邈邇所述并伯起跋  
語茲不復綴云萬曆庚子孟秋十日清颿居士文元發  
書時年七十有二

元

子

茂松清泉  
臣所須也

冷敬遠萊仙奕圖余往歲曾覩真蹟於張伯起先生

家此卷則仇實父所摹文太史題其首而博士摹其跋  
與詩無錫華秋官劍光閣中物也華見冷蹟不勝興賞  
遂倩太史父子及仇君共成此卷冷君仙枕諸君人工  
並奇絕不羣足稱雙美華氏最爲好事所藏古今名蹟  
不減尚方秋官易世之後一時散軼略盡而此圖此題  
流落人間衰齡老眼幸獲展開回思啟敬之畫三丰之  
書如米襄陽所云煥若神明復還舊觀豈不大媿快哉  
乃如人代之變易圖畫之流傳則蓬瀛清淺與棋局翻  
覆仙家與世道盡然何必撫卷三歎庠子七月廿又三  
日耕欄館秋霖書太原王穉登

青羊  
君

王印  
穉登

縫

蔣漁儒鑒  
定書畫印

蓬萊山高高接天聞在虛無縹緲間青芝遠結千年秀  
玉液長流百尺泉泉聲樹色當牕牖紫炁白雲封洞口  
秦皇連弩不敢窺吞波吸浪潛蛟吼中有仙翁雙碧瞳  
紛紛白黑關雌雄世間甲子那堪算一着仙機萬古空  
蟠桃初熟侍女進落葉滿空塵自淨誰能貌此神僊居  
原是神仙冷起敬三丰逸老為題詩云是蓬萊舊等夷  
我識神仙真玩世蓬萊靈境寧如斯展卷追踪二十載  
恍然靈境猶如在碧虬花矗紫鸞翔豈與人間爭碾壘  
便欲取氣從之游道遙棲此巖之幽半局殘碁窺世界



所見書畫

卷三 一百一十一

懷烟閣

笑看蠻觸是蜉蝣忽憶玄機聊黑守夢魂時日飛星斗  
誤落塵緣期此鐘烟霞未敢頻回首長洲文震孟題

文印  
震孟

文起

昔漢武慕仙遣人求安期葦於海外乃東方曼倩日侍  
左右而不知其為仙得無似葉公好龍乎 補菴先生  
愛仙奕卷而臨摹裝潢以為畫舫重所謂雖無老成尚  
有典型也其視誤收贗本不侔矣 先生故與 先尚  
寶善不肖嘗得瞻其風度盖好事而兼賞鑑者其輕贗  
本而重摹本也固宜吳下陸士仁題 文近  
蓬萊仙人不可見國中對奕如覲面剖破天機一着先

營營下土誰能辨獨有仙人自在遊十洲三島須臾遍  
興來偶寄在楸枰下地上天千萬變仙機迅矢在人間  
寧似人間爭與戰浪說長安似奕碁滄桑人物何非幻  
仙圖繪出仙人手流輿枕林供賞鑑好事摹之絕逼真  
我欲從之游汗漫弱水盈盈那可遊况無羽翼乘風便  
彼樵雲者是何夫旁看仙機柯共爛陽峰山人馮時範

題

江南馮

馮氏  
季子 女金

小馮  
君

蓬萊仙奕世稀見維冷與張應共宴冷偶作笛特贈張  
繪其涉歷非空羨世間苦心愛者誰前有句曲華後追  
臨摹伯仲混真贗衡山枝山相恭差仇翁飄蕭亦其儔

十洲三島神所遊試為反覆鐵剋語始信先機識已留  
奇珍流轉四百春何日來歸有道人牙籤玉軸等球璧  
丁丁子聲風雨辰舉似孫陽目未覽汰之淘之吾豈敢  
名字依稀近伯起風生葭莢倚菡萏田海茫茫幾度瀾  
仙家枰局可曾殘他時五老峯頭去脫屣高眠好共看  
樂安孫翼鳳題

孫翼  
鳳印

白雲  
在天

凌雲閣

縫

姪 娘 槐 嗣雲 同編

吳越所見書畫錄卷三終